

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **De historia s. Guilelmi et ordinis Guilelmitarum - Cod. St. Blasien 27**

**Eggs, Ludwig**

**[St. Blasien], 1739**

Ludwig Eggs, de historia s. Guilelmi et ordinis Guilelmitarium

[urn:nbn:de:bsz:31-49121](https://nbn-resolving.org/urn:nbn:de:bsz:31-49121)

1

Comentarius Criticus  
in  
Historiam

Sancti Guilielmi Magni  
Ordinis Guilielmitarum  
Institutoris.

Tribus, et ex parte quatuor saeculis  
nostram aetatem praecedentibus, in rem  
Historicam plurimos irrepsisse errores,  
et maxime, s: quod dolendum magis:  
Fastos etiam Ecclesiasticos innumeris  
prope fabellis hinc inde aspersos esse,  
eruditi quivis nostri huius saeculi Critici  
multa quiritatione deplorant. Error  
errorem parit, nec facile secundior tellus,  
quam qua Tizianiam gignit et Lolia.  
Serpit error unus, et dum repit, repente  
augmentum capit.

Animat verterunt Veritatis Historicae  
Synopen Viri quidam Succeedentibus  
nostris saeculis praestantes, et laboranti  
Reipublicae literariae per Criticen, ceu  
per Helleborum in tempore mederi sata =

-gentes, unanimi conatu, eoque pretioso  
 haud minus quam necessario, nobiliora per  
 Europam Archiva, Bibliothecas toto Orbe  
 Christiano celebriores, Antiquitatis sacra  
 monumenta, Pontificum, Regum, atq;  
 Principum Diplomata ad amussim lustra  
 -re, eaq; ad criseos limam vigoroso examine  
 censere ceperunt, improbos in hunc finem  
 terra mariq; labores, peregrinationesq;  
 non per occidentem duntaxat, sed ad orienta  
 -les usq; plagas, ingenti ausu, & vix credibili  
 sumptu, pro Republica literaria sustinentes.  
 Domi plures in Musaeis, foris alij, uno eodemq;  
 omnes ardore ex professo allaboraverunt.  
 Hos inter iure meritissimo principe loco  
 veniunt celeberrimus Joannes Mabillonius,  
 Montfalconius, aliq; ex Illustrissima  
 Congregatione S. Mauri PP. Benedictini  
 quam plures. Bollandus, Godes. Henschenig,  
 Labbeus, eorumq; e Societate IESU erudi  
 -tissimi Collegae, Amat item de Graveson  
 ex Ordine Praedicatorum Doctor sorbonicus,  
 et novissime Rev<sup>mus</sup> Aug. Calmet Senonensis  
 Abbas, qui nostri Decus, et Benedictini Nomi  
 nis Ornamentum. Horum ego Virorum vesti  
 -gijs insistentis, tametsi eruditione dispar, pari  
 tamen veritatis eruenda studio in Historiam

S. Guilielmi Eremitæ Cognomento Magni,  
 Ordinis Guilielmitarum Institutoris, multis  
 undiq; intricatam fabellis, (vixi haud perfunctoriâ  
 sedulo inquirere decrevi. Et sane haud vanus,  
 aut ad rem Historicam miris pertinens labor  
 est, Historiam S. Guilielmi à mendis omnibus  
 depuratam dare: difficilius porro depuratam  
 contra frequentem erroneè opinantium torren-  
 tem persuadere. Auget difficultatem,  
 quod non in vulgus simplex duntaxat, sed in  
 Doctos etiam alioquin Viros, imò integros Reli-  
 giosorum Coetus dispersus sit error, et ad  
 Urbes usq; atq; publicos Canonici Officij Titus  
 irrepserit; adeoq; moliminis haud exiguu fu-  
 turus sit conatus, trecentis, et amplius, annis  
 traductam, perperam licet, et usq; adeo radica-  
 tam fabulam emaculare proorsus, et erudito  
 Orbi nudam atq; nitidam exhibere veritatem.  
 Animadvertit difficultatem hanc, pluribus ante  
 me annis, Cariss. Godefridus Henschenius,  
 et negotium invidia plenum fore praevidit:  
 unde in tempore sibi prospiciens, oportune  
 protestatus est in hæc verba [a] noster ut  
 "conatus, eò quò scribimus, suscipiatur animo,"  
 "voganus omnes, maxime illos, qui Eum (Sanctū,  
 "Wilhelmum) aut Patriæ suæ, aut Ordini "

[a] Acta Sanctor. Bolland. X Febr. Tom. 2. fol. 433.

Suspiciantur non cequo iure ereptum. Veri-  
tati Ecclesiastica studemus. Idem ego pari  
modestia inuoco: nullus me disceptandi ardor,  
nullus cum Viris Religionis litigandi pruritus,  
emulatio nulla, novitatis nullum studium,  
sed solus, isq; candidus Veritatis Historica  
amor, ad hoc disserendi genus impulit;  
neq; aliam suscepti laboris mercedem requiro,  
quam unicum legentis testimonium: Scripsisse  
me veritatem.

Faxo etiam, ut omnia iusto transigantur  
ordine. Historiam ex se, si qua unquam  
altera, confusam, dabo critica spongia probe  
purgatam, et tersam. Primo errorum  
occasiones; deinde errores ipsos synoptice  
indicabo: quos fusius deinceps, atq; membratim  
per Anatomiam Criticam, non equidem mea,  
sed optimorum scriptorum irrefragabili autho-  
ritate suffultus modeste accusabo.

Porro Opinionibus & coniecturis tribuam  
nihil omnino: Veritati per Crisin eruta  
omnia. Stabunt pro me Testimonia,  
qua in calce cuiusq; pagina apparebunt,  
fidelissime, et absq; typo appensa.  
Ex proprii capitis abundantia sensa nulla  
fluunt: Commentarium enim formo fabulis  
inimicum mente vera conceptum.

Supputationi Chronologica insistam.

quàm maximè; est enim hæc præcipua detegendi  
erroris, et sincerè eruendæ Veritatis Regula.

Argumenta Verum in paragraphos, hos  
dein in numeros claritatis ergò dissiungere  
placuit. Sic demum eluèbit de sancto  
Guilielmo Magno Eremita  
Historia Vera.

§ I<sup>mus</sup>

Prælo, & prima Occasio  
Erroris Historiam sancti  
Guilielmi confundentis.

Num: i.

Aud recens est error, neq; cõmentum  
novissimè excogitatum, quò nostrà, de quã  
agimus, Historia ingenti est confusione  
turbata. Jam enim Sæculò XV. adeoq;  
trecentis abhinc et amplius annis, primus  
et antiquissimus cõmissus est Antichro-  
nismus, utpote qui integris tribus sæculis  
intercalandò à vero deflexit, dum ex  
Computo Chronologico patenter convin-  
citur, ea, quæ Sæculò octavò finiente

6. contigere, volatili cursu ad seculi Duodecimi  
medium promoveret: et vicissim post tantam  
intercapedinem gesta, retrogrado saltu,  
aëra retortis ictibus verberando, infeliciter  
reducit.

Num. 2.

Gobelinus Persona [a] Vir alioquin  
vita et eruditione celebris, sumis etiam  
Pontificibus, S. D. E. Cardinalibus, et plerisque  
Monasteriorum Praelatis initio seculi XV  
perquam familiaris, primum in re nostra,  
Doctioribus dein seculis ex plorum errorem  
non tam asinxit ipse, quam ab alijs sui tem-  
poris erroribus creditum aut confisum  
in vulgus sparsit, quando [b] Cosmodromio  
suo confidenter equidem, sed non iuxta con-  
formiter veritati Historicae hac perperam  
attexuit verba: Anno Domini 1000. ince-  
pit Ordo Wilhelmitarum sub Wilhelmo  
Duce. Carolus Magnus Anno Domini 1000  
in ipso die Nativitatis Domini a Leone Papa  
III. in Imperatorem coronatus est Anno Regni  
sui XXXIII. Mirum sane hanc  
Gobelini Opinionem vel micam ullius proba-  
bilitatis, apud viros vel genucius a Matre  
Minerva Fonti Castalis imersos, obtinuisse:

[a] Acta Sanctorum Bol. Tom. 2. Fol. 434.

[b] Cosmodrom. c. 6. c. 29.

6

tantum enim distant tempora Caroli Magni  
à primævâ Institutione Ordinis Guilielmi-  
tarum, quantum Hesperus ab Aurora  
elucere plusquam trecentorum annorum  
anti-chronismum, nemo avò nostrò ibit  
inficiàs, cum certum omnino sit ante seculum  
XII. nullos toto orbe Guilielmitas fuisse  
ubi suo loco manifestè faciam dispalescere.

Num 3.

In tantum nihilominus Chronicus  
hic morbus sacrae Historiae Symptomata  
accirvit, ut antiquiora Latrum Eremitarum  
S. Augustini Breviaria cum in suis officijs  
(ut vocamus) Proprijs, publicè legendum  
exhibuerint, id quod sumopere admiror.  
Anno siquidem 1500. Venetijs recusa sunt  
Officia Propria Ord. Eremit. S. August.  
in quibus Lectione VII. hæc recitabantur verba:  
" [a] non modo in Italia, sed et in Territorio  
" Lugdunensi novum Monasterium condidit,  
" in valle videlicet Gelonis, quod et uberius  
" dotavit, et in nomine Salvatoris intitu-  
" lavit, ac ibidem Eremitas, et Virgines ancillas  
" Christi recluserit: ubi et duas Sorores suas  
" Virginitatem professas collocavit, et  
" miles Christi etiam effectus: et hoc fuit "

[a] Acta SS. Joh. Sol. T. 2. fol. 434.



9.  
in Festo Apostolorum. Cui Rex Carolus  
lignum Domini crucis, quod de Jerusalem  
attulerat, liberaliter pro munere concessit.  
Deus bone! quam catenata in tartillis  
lineolis fabula? primo Vallis Gelonis  
non est in Hebruvia, neq; in Territorio  
Lugdunensi, sed apud Narbonam Gallie  
Provinciam in ditione Lutetensi. Dein  
Rex Carolus postea Imperator vivifica  
crucis particulam non ab Hierosolymis  
attulit, sed a Patriarcha per Zachariam  
Presbyterum dono missam accepit. Deniq;  
de duabus s. Guilielmi sororibus nullus  
Scriptor nec apicem quidem. sed apologo  
tam aprice cespitanti, opera pretium non  
est, ut pluribus me opponam: non enim  
quod per se precipitat, resti tradendum est.

Num. 4. Virgo et occasio huius fabella  
atq; erroris adeo patentis haud difficulter  
eruitur. [a] Regnante Pipino Francorum  
Rege Guillelmus quidam vir potens, et  
genere illustris, bellica praesertim virtute  
clarus, literis etiam probe imbutus floruit.  
Hic ob eximia in Regem Regumq; merita

[a] Odoericus Vitalis l. 6. Hist. Eccl. de eo Germanus  
in compend. apud Boland. T. 2. fol. 437.

9  
à Carolo Magno Pipini filio et successore,  
Aquitania Ducatum obtinuit, unde primus  
Huius Nominis Aquitanorum Princeps,  
Historia undiq; <sup>enti</sup> consente, vocandus.  
Creatus dein ob insignem rei bellicae pe-  
ritiam ab Eodem Carolo. M. supremus  
Militie Princeps Exercitum Regium contra  
Theobaldum in Hispania regnantem duxit.  
Rhodanum felici ausu transiens Turascan  
urbem munitissimam à Mauris usurpata  
expugnavit. profligatis exinde barbaris  
transmarinis, fuisq; Agarenis Vir ex æquo  
pius et fortis ope Divinâ Christianum illis  
in partibus egregie firmavit imperium.  
Reversus dein in Patriam gloria et honore  
coronatus, in Provincia Narbonensi, loco  
quodam petrosis saltibus scopulisq; horrido,  
qui vallis Gelonis appellatur, in honorem  
salvatoris, et duodecim Apostolorum Anulum  
exstruxit Monasterium, idq; magnifice do-  
-tavit. Anno dein Octingentesimo sexto,  
Imperij Caroli Magni sexto, ipso die Princi-  
-pibus Apostolorum sacro, Duxisse et  
Fundator Guilielmus Monasticum indutus  
Habitum in eodem Monasterio, ad ultima  
etiam culinae servitia, atq; postrema quævis  
fratrum Ministeria stupenda humilitate  
se demisit, ibiq; ad obitum usq; mirâ sancti-  
-tate inclavit. }a} mox ab obitu suo ob

}a} Joan. Trithem. in Chron. Hirsaug. fol. 57 tanta  
sanctitatis eum fuisse aperiit, ut ardentem clibanum  
illæso scapulari purgaverit. Idem testatur Hiacynt.  
Amal de Graveson in Hist. Eulæf.

vitam sancta sanctitate conspicuam cogno-  
 -mentum sancti adeptus, deinceps in omnem  
 posteritatem sanctus Dux Guilielmus  
 appellari meruit. Hac igitur nomencla-  
 -tura sancti Guilielmi ex Duce Aquitaniae  
 Monachi Gelonensis, eiusdemq' Monasterij  
 primi Fundatoris, primam dedit occa-  
 -sionem quibusdam rem obiter citra  
 rigidius examen pensantibus, hunc Ipsū  
 Sanctum Guilielmum Gelonensem Penobitam  
 olim Aquitaniae primum Ducem, Ordinis  
 Guilielmitarum Institutorem, adeoq'  
 Guilielmum Magnum Eremitam perperam  
 statuerunt: cum tamen liquido constat,  
 S. Guilielmum Ordinis sacri Authorem  
 qui in Stabulo Rhodis in Tuscia Eremita  
 obiit, trecentis et quinquaginta annis esse  
 Juniozem S. Guilielmo Gelonensi. [a]  
 ab hac opinione deceptus Gobelinus Persona  
 errorem scriptō typōq' vulgavit, ex quo  
 deia spurio et inerrato semine plures,  
 sed vitiosi omnes, ceu ex vite non probe  
 putata helices, erati sunt fructus. inde  
 factum, ut dum duos Guilielmos in unum

[a] Acta SS. Boll. Tom. 2. fol. 433. et passim omnes.

ii  
eundemq' virum conflare imperiti Plastro  
presumpserunt [a] uberem Viris Doctis dispu-  
tandi materiam suscepserunt.

¶ Z<sup>us</sup>

Detequantur Errores alij  
qui in Historiam S. Guilielmi  
Successive irrepserunt.

Vum: A<sup>mus</sup>

Polent plerumq, qui Histori-  
cis Narrationibus fabellas inspergunt,  
Sui met per contextum oblivisci, et con-  
fusa Sermonis Serie in Supputationem  
Chronologicam imprudentes impingere:  
Unde fit, ut se ipsos cum erroribus suis  
citra intentionem prodant. raro enim, aut  
nunquam fieri amat, ut mendacia continuata  
concinne adeo sibi cohæreant; quin Vanitas demum  
in aptricum prodeat, sicq' Veritas demum per  
Peragacitatem Crisis eruta triumphet: disponen-  
te sic Primâ & aeternâ Veritate, quae in  
rebus maxime sacris, fabellas omnes sumopere  
fastidit. Contigit id ipsum in Nostra, de  
quâ agimus, Historiâ. Rem claritatis ergo

[a] Philipp. Brietius. S. J. in Anal. mundi mibi Tom. 2.  
part. 3. fol. 26.

narratione encyclicā, uti contigit, iusto ordine  
ob oculos ponere placet, ut dissipatis mendo-  
rum nubeculis Lux Veritatis dispalescat.

Num. 2.<sup>us</sup>  
Thomas de Herrera |a| Vir  
ex præclaro Ordine Eremit. s. Augustini  
Magni Nominis, olim Provincia Castellana  
Pector Provincialis, et in S. Inquisitionis  
Senatu Qualificator, de re Historica  
ob singularem Doctrinam optime meritus,  
dum in sacri sui Ordinis officia Propria in  
thoro recitari solita peritius inspexit, haud  
paucos deprehendit nexos, proximis X. Febr.  
in Lectionibus de S. Guilielmo M. Eremita,  
Chronologiam confundi plurimum, atq;  
errores erroribus contexi, Vir perspicax  
et doctus per facile sensit, unde in hanc sen-  
tentiam merito pronuntiavit: "Lectiones,  
" sacrorum Officiorum rigorosè sane examinare,  
" indigere, ne veris falsa permixta totam  
" narrationem inficiant." |b| De Historia  
autem S. Guilielmi in veteribus Officijs  
contenta absq; typho verè et confidenter  
edixit, merito antiquatam, in qua tot simul  
" congesta difficilia, imò potius aperta mendacia."  
Et sane fecisset optime Laudatissimus Hic  
C. Provincialis, |c| ut bene optat Henschenius,

|a| Holland. Tom. 2. fol. 439.

|b| ibidem.

|c| Henschenius l. c.

Si totum ex integro rejecisset officium:  
ubi enim totum laborat suppositum, nullum  
unquam Argumentum apte concludet.

Hydrae caput est Historia semel hallucinans,  
ubi in re Chronica primum errat hypothesis,  
quis porro medebitur ei? Si errorem resecu-  
eris unum, mox nullabunt monstra plura.

Expertus id ipsum est Clariss: Herrera,  
qui dum Ordini suo Monasterium Gelonense  
asserere satagit, attamen ex Chronologica  
supputatione convictus, id a S. Guilielmo M.  
Eremita conditum aut fundatum minimè  
fuisse aperte pernoscet; ad coniecturas

confugiens, pie magis quam erudite, a B.  
Alberto Gallo, S. Guilielmi protho. Discipulo  
forè initium sumpsisse illud Monasterium  
autumavit. At vero novissimus hic error  
est peior priore. Initiò seculi Noni, annò  
videlicet 806. Cenobium Gelonense conditum  
esse [a] supra iam §. n. 3. indicatum est.

Beatus vero Albertus S. Guilielmi Discipulus  
post obitum Magistri cum socio Peginaldo  
vixit in stabulo Rhodis post medium seculi  
duodecimi, ab anno nimirum 1156. vah!  
quantus temporum hiatus! Nullus præterea  
B. Alberti temporibus in Gallia regnavit Carolus,  
sed Ludovicus VI. et post hunc filius Ludov. VII.

[a] Odericus Vitalis Monachus Vicens. L. 6. Hist. Eccles.

ut suo loco docebitur: cum interim certum  
 sit Carolum Magnum Monasterio Gelonensi  
 partem s. Crucis à Patriarcha Hiero-  
 solymitano per Zachariam sacerdotem sibi  
 donò transmissam, in eodem Conobio Gelonensi  
 recens tum condito, reposuisse. Nulla  
 igitur superest spes, ex hoc capite sanctum  
 Guilielmum, aut eius Ordinem Eremitis  
 s. Augustini ullò paralogismò vindicandi.

Num: 3.

Vix ullum in re Historicà est  
 evidentius fabulosa Narrationis indicium,  
 quàm multiformis in eodem Argumento scripto-  
 rum dissensus, variatio continua, et nunquam  
 sibi constans multorum opinio. hoc etiam signate  
 deformata est plerq; de s. Guilielmo narratio.  
 Nescio, num quàm in alterà Historià tot aperte  
 sibi contradicentia sit reperire Testimonia,  
 qualia in hâc nostrâ continuo conglomerata  
 obveniunt? pergo igitur remotijs sibi  
 errorum Schematismos in aperta parascenia  
 producere, et ad Criticùm citare iudicium.

Error omnium patentissimus cum enormi  
 Anti-chronismo conspicuus fuit in antiquiori  
 Proprio R. R. P. P. Eremitarum s. Augustini  
 1<sup>a</sup> ubi in 2<sup>o</sup> Nocturno Lect. 1<sup>ma</sup> hæc leguntur:

[a] Ofic: propr. Venetijs recus. 8<sup>o</sup> 1500.

" Beatus Confessor Guilielmus olim Aquitania  
 " Dux et Pictaviensis comes, comitibus, ut fertur  
 " genere oriundus, Pictaviensi Provincia fuit  
 " ac Bellator acerrimus, Patre Theodorico  
 " Consule, Matre Aldacia inclitam prosapiam  
 " Ducens, sub Rege Carolo Magno strenue mili-  
 " tavit, eiusque Regni Principatum tenuit  
 " Sanctitate praecclarus. Cum autem Saraceni  
 " partes Aquitaniae invaderent, a Carolo  
 " cum Exercitu missus, eos viriliter debellavit,  
 " magnaque illis inflicta strage, eos a septimanica  
 " invasione potenter deiecit.

Quid quaero haec omnia ad S. Guilielmum M.  
 Guilielmarum Proto-patrem, quem in Sa-  
 bulo Phodis Romanum Martyrologium obijre  
 pronuntiat? Ad litteram autem omnia conve-  
 niunt Guilielmo, qui sub initium saeculi noni,  
 Caroli Magni Archistrategus, ex primo Duce  
 Aquitaniae, et Bellatore acerrimo, iuxta  
 ac Principe Religiosissimo, Monachus Ge-  
 lonensis factus, Sanctitate praecclarus.  
 Parentes habuit Theodoricum, et Alda-

ciam. |a|  
 pergit deinde idem officium Proprium  
 uno eodemque contextu, et nulla alia  
 interposita narratione / quod miseris /  
 amphidextre uno saltu tria saecula scandendo

|a| Bolland. hic §. i. n. 4.



in alterum subito Guilielmum stentoria  
 celeritate transiit, in hoc declamans  
 verba: „qui tempore, quo Eugenius Papa  
 Tertius, ob Romanorum adversus se maliti-  
 am machinantem, Tyrannus adhuc impius  
 in inferiorem secessit Galliam, \* ut ipsemet  
 confessus est, a praefato Apostolico acce-  
 pit sententiam @ (2)

O Bone Deus! quam paradoxus hic saltus  
 est, non Crisi, sed ut modestè loquar, risu explo-  
 dendus, qui unico giganteo gressu trecentos  
 et quinquaginta annos iucundè  
 adeo transcendit! at verò capite, pedes  
 laesus citò corruit: Totidem enim retro  
 annis vixit ab Eugenij 3<sup>ti</sup> et S. Bernar-  
 di coevi temporibus Carolus Magnus,  
 et acerrimus ille Saracenorum debellator  
 Guilielmus. Nam Eugenium III. saeculo pri-  
 mum duodecimò sedisse in cathedra Petri  
 Scholares nôrunt. hoc igitur posterior  
 Strophæ ne utiquam primo Aquitaniae Duci  
 sub Carolo M. Breve adeo Saracenos profli-  
 ganti applicari poterit, sed Guilielmo IX.  
 et ultimo per Divum Bernardum à schis-  
 mate reducto. Atqui hic idem non  
 fuit Guilielmus ille, Magnus Sanctissimus  
 Guilielmitarum Ordinis Author, qui

pro presenti controversatur, uti pluribus  
deinceps docebitur.

Num: 4<sup>2us</sup> His igitur duobus Guilielmis  
tam palpabili confusione in unum conflatis,  
Martyrologium, quò in hodiernum diem  
utuntur Patres Augustiniani, addit  
Tertium, Eum nimirum, qui in stabulo  
Rhodis sanctè demortuus colitur, quem  
tamen à Duce Aquitania ultimo omnino  
fuisse diversum, mox demonstrabo.

Verba Martyrologij Augustiniani ista  
leguntur: [a] Quarto Idus Febr: in stabulo  
Rhodis territorij Senensis in Tuscia Naba-  
lis S. Guilielmi Ordinis Nostri Restau-  
ratoris. Porro Martyrologium Romanum  
in hac verba pronuntiat: „in stabulo Rhodis  
territorio Senensi sancti Guilielmi Eremita [b]  
De Duce Aquitania, aut Ordinis S. Augustini Ere-  
mitarum Instauratore ne verbum quidem;  
cum tamen Martyrologium Rom: vel obiter  
recensenti continuo pateat, Sanctorum Regum,  
Principum, Ordinumq; Reformatorum,

[a] Prop. Ord. Eremit. S. Aug. 10 Febr. fol. LXXVII.

[b] Martyrol. Roman. Edit. Antwerp. fol. 47.

et eorum maxime, qui ex sumis in seculo  
Magnatibus ad ima poenitentium subsellia  
se se demiserunt, Titulos et characteristi-  
cas epigraphas semper et ubiq; apponere  
in more fuisse.

Num. 5.

Tres ergo Guilielmi in are-  
-nam Irripiti errore adducuntur,  
& per Fabulosam metamorphosin hi tres  
unus sunt, cum tamen duobus prioribus  
omissis, tertius duntaxat solus et unicus  
statui debuisset Guilielmus de Malval,  
solenni ritu inter sanctos relatus ab  
Innocentio III. Anno MCCII. uti paulo post  
Authenticò Testimonio firmabitur,  
postquam Fabulis omnibus explosis, aurà  
demum lucidà frui licebit. Hic interim  
num mirari potius, an lugere fas sit? haud  
facile diiudico: Sacre Historie absurdis  
adeo fabellis, et Lictisnis tantopere fuisse  
illusum, ut ignorantia adeo audacià inter  
Historicos vix alias audita, ex tribus  
suppositis substantialiter diversis, atq;  
Chronologicò calculò per plura secula  
seunctis, unam plasmare Personam,  
et novam quasi Triadem creare,

19  
praeserita nuper saecula praesumpserint.  
atq; quod stupendum magis, tam enormes  
et cernua cespitationes, tanto tempore  
inter viros eruditos aut latere potuerint,  
aut sustineri. pergo reliqua in rem nostram  
revelare menda.

Nun: 6<sup>us</sup>

Anno salutis 1570. iussu  
Reverendissimi Prioris Generalis totius  
Ordinis Eremit. S. Aug. P. Thaddei  
Perusini Officia Propria denuo recognita,  
et in novum redacta sunt ordinem. [a]

Iussi sunt Fratres 10<sup>mo</sup> febr. legere in hunc  
Textum: " Beatus Confessor Guilielmus,  
olim Aquitania Dux, et Pictaviensis  
Comes, Comitili, ut fertur, genere oriundus,  
Pictaviensi Provinciâ, Patre Theodoro  
Consule, Matre Aldacia genitus fuit. "  
Sub [B:] Ludovico Juniore Gallorum Rege "  
strenue militavit, Eiusq; Regni Princi-  
patum tenuit sanctitate praclarus. "  
Cum autem Saraceni Aquitania partes inva-  
sissent, ab Eodem Rege cum exercitu missus,  
eos mirifice debellavit, magnâq; inflicta strage  
eos roboriter sedit, Ecce hic subdole

[a] Acta S. febr. Tom. 2. F. 434.

retentis reliquis omnibus, loco Caroli  
 Substituitur Ludovicus Junior. Sed quisnam  
 ille, vel quibus? Duo tantum in universa Histo-  
 ria leguntur Ludovici, quibus cognomen hoc  
 Junioris attribuitur, eo quod uterque, viven-  
 te adhuc Patre in Regni consortium se  
 adscitus; scilicet Ludovicus Caroli Magni  
 filius, et Ludovicus Septimus Ludovici sexti  
 Successor. neutri horum narrata Strophæ  
 convenire potest. Iterum hic Chronologia  
 miserè torquetur. confusa sunt omnia,  
 imò aperte falsa. faciam id oppido clareat.  
 In Proprio R.R. P.P. Eremit. S. Augustini  
 quò defacto in presentem utitur diem, in  
 fine Lectionis VI, hæc leguntur: „è vita excessit,  
 „ Anno post Christum natum millesimo centesimo,  
 „ quinquagesimo Septimo. „ et bene hæc quidem.  
 et enim hæc certa omnium Historicorum  
 Sententia, hoc ipso anno S. Guilielmum Mag:  
 Eremitam et sui Ordinis Fundatorem diem  
 clausisse extremum. Ludovicus autem Juni-  
 or, sub quò militasse indicatur Vir ille Bellator,  
 alius private esse nequit, quam Caroli M.  
 filius, vivente etiamnum Parente in Regni  
 consortium admissus, sub cuius tantum

[a] Proprium Ord. S. Aug. Fol 43.

et nullius alterius Ludovici Regimine  
 Saracenos partes Aquitania invasisse  
 credi potest, alioquin universa mox cum  
 Chronologia protestando reclamabit  
 Historia. Atqui Ludovicus hic Caroli  
 Magni Filius regnavit Saeculo nono :  
 ergo idem qui adultus dein Saeculo 12.<sup>mo</sup>  
 obiit S. Guilielmus, debellator ille gene-  
 rosus Saracenorum esse haud potuit.  
 nisi quis, sorte, ad morem primi aevi Patri-  
 -archarum, annos vix ad trecentos quin-  
 -quaginta annos eum protraxisse prodi-  
 -giosum senecionem asserere auserit; quod,  
 opinor, nemini, cui vel uncia vegetae adhuc  
 saevencephalidis inest, persuadebitur.

Porro multiplex haec officij privati circa  
 Historiam S. Guilielmi mutatio argumento  
 est vix unquam fallibili, totam illam ex  
 integro, Systemati ruinoso instituisse, adeo  
 cernue, ut ne lippientem quidem lateat.

Sed nondum statim cespitantis arologi  
 Linis, erroribus pristinis error novus illico  
 est intextus, qui mox sequenti numero retegitur.

Num: <sup>rimus.</sup> Josephus Pampbilus  
 Episcopus Signinus Vir Summa perspi-  
 cacia, animatverbens postliminio totum  
 in vindicando sibi S. Guilielmo, eumq. Aqui-  
 tania Ducem statuendo negotium, futuris  
 ad avum Caroli M. eiusq. filij Ludovici,  
 in terminis tam arripe cespitantibus,  
 Doctiori saeculo nunquam fore persuaden-  
 dum, imo explorum iri ex integro: at  
 nihilominus Reverendissimi Generalis P.  
 Thadaei auctoritatem sueri, eiusq. censo-  
 riam reformationem retinere percipiens,  
 supputationem nihilominus chronologicam adeo  
 cernue sibi contradicere pernoctans, Ordinis  
 sacri quam veritatis amantior, quod tanti  
 viri venia submissa cum reverentia dictum  
 volo, ad parectbasis artes confugit, et statuit  
 idcirco Historiam istam a Caroli M. eiusq.  
 filij Ludovici avo urō ictu integram rescin-  
 dere, atq. Guilielmum ad saeculum XII.  
 deducere, ut eum S. Bernardo synchronum  
 faceret. et bene id quidem, si caetera

[a] Chron. Ord. Cren. S. Aug. typ. Rom. a. 1581.

per contextum ex aequo Chronologia con-  
 formia cohaerissent. Cum vero ob reveren-  
 tiam Officij, uti vocamus, propriam mentem  
 Rev. Generalis P. Thadei recens emendati,  
 Regia illa Nomina Caroli et Ludovici  
 expuncta nollet, ea ut in Proprio retineret,  
 artificioso figmento S. Guilielmum sub  
 signis Sancti Ludovici Franciae Regis,  
 et Caroli ipsius fratris Regis Neapolitani,  
 Conradini ultimi Suevorum Ducis famosi  
 intersectoris militasse, et Saracenos tunc  
 Siquitaniam invadentes ingenti strage debel-  
 lase finxit. At vero lux ista tenebris  
 paulo nitidior ingenti mox est obvoluta cali-  
 gine. Iterum namq; calculus chronologicus  
 sabulam manifeste denudat. iterum quae  
 toto saeculo seiuncta sunt perperam conectun-  
 tur. Mortuus liquidem est S. Guilielmus  
 Eremita Anno Christi 1157. Sanctus  
 porro Ludovicus a) natus est Anno 1215.  
 ergo quinquaginta octo annis, antequam  
 vivere cepit S. Ludovicus, necessum foret,

a) Philipp. Brierius in Annal. ad annum 1115.  
 mihi Tom. 6. fol. 101.



sub- et pro eo militasse S. Guilielmum. vah!  
 quam absurda conglomeratorum errorum  
 congeries. à fortiori idissimum elucet in Carolo  
 Andegavensi Rege Neapolitano, utpote etate  
 adhuc iuniore, cum S. Ludovicus ceu Patris in  
 Regno Successor, primogenitus haud dubie  
 ab universa Historiâ dignoscatur.  
 Deniq, quinam illi Saraceni, sub S. Ludovici  
 Regimine Aquitaniam Gallie Provinciam de-  
 vastantes? nulli profecto. Non enim opus ha-  
 buisset Rex Sanctus expeditionibus Sacris  
 celebratissimus perquirendis hostibus Saracenis  
 per Asiam et Syriam procul à Regno suo, Damiscum  
 usq, atq, Hierosolimam cum exercitu excurrere,  
 si eos in Aquitania, adeoq, proprio in Regno,  
 tam prope laribus focum admoventes habuisset.  
 paucis: fide historica pronuntio: temporibus  
 S. Ludovici nulli unquam Saraceni partes Aquitaniae  
 invaserunt. Diffusi igitur  
 manifestis his erroribus, ad ea refutanda  
 me accingo menda, quæ, uti maiorem veritatis  
 speciem præseferunt, ita à pluribus comuni  
 paradigmate persuasus, hodie dum creduntur?

§ 3<sup>tius.</sup>

Opinio illa, quae nostrò adhuc  
 vovò apud plurimos obtinet,  
 discutitur.

Vnem: <sup>i</sup>mus

Ut res iustò ordine procedat,  
 discussis hucusq; erroribus magis patentibus,  
 adeoq; minori impendiò facile erutis, ad diffi-  
 cilia paulatim progredior. Opinio illa,  
 quae hodieum passim apud plurimos obtinet,  
 imò ab integris Religiosorum virorum Cœtibus  
 ceu res indubitata creditur, iam exactiori  
 Crisi examinanda venit. Negotium hoc  
 methodò magis clarà vix expedire poterò,  
 quàm si integram Historiam ex officio Proprio,  
 quò hodie utuntur Venerab. P. P. Eremitæ  
 S. Augustini, nullà prorsus interposità locu-  
 tione, candidè ob oculos ponam; quandoquidè  
 in illo ipsissimum, de quo agimus, disputandi  
 Argumentum genuinè exhibetur in hæc  
 verba: [a] Lectio 4<sup>ta</sup> sic rem enarrat:

Guilielmus Nonus Pictorum Comes, et  
 Aquitania Dux, abdicatò amplissimò Pri-  
 cipatu, asperissimum vitæ genus, incredibili

[a] offic. Propo. Eremit. S. August. 10 Febr.

4 patientiâ sibi indixit. nam cum aliquando  
 4 contra Innocentium II. partes Anaclethi  
 4 Pseudo-pontificis pertinacius fovisset. sancti  
 4 Bernardi operâ saniorum ad mentem revo-  
 4-catus, cuiusdam Anachorete consilio lori-  
 4-câ ferreâ nudo pectori iniectâ, et catenis  
 4-revinctâ servili veste contextus, ad pedes  
 4 summi Pontificis sese abiciens, contumacia  
 4 veniam suppliciter petiit. à quo ad Patriam  
 4-cham Hierosolymitanam reiectus, nuncupato  
 4 testamento, primum ad Divi Jacobi Compostellan-  
 4 deinde in Palestinam profectus, Hierosolymis  
 4 expiatus, sacrisq; restitutus, angustâ domus-  
 4-culâ in morem specus depressâ conditus, per  
 4 aliquos annos veterum delictorum poenam  
 4 inauditâ tolerantia à se exegit. nam sub  
 4 lorica cilicio indutus, cibario pane, eoque  
 4 nigerrimo, atq; ubi sitis admoneret, frigidâ  
 4 contentus, nudâ humo, subiecto cariti saxo  
 4 cubitans, sacris precibus diu noctuq; vacabat.

Lectio V. Amicorum et affinium  
 4 precibus tandem victus in Galliam navigare  
 4 constituit. Peruriam appulsus ad vobus  
 4 armorum studium instinctu Daemonis relapsus,  
 4 est. nam Lucensibus militans, Disanorum muni-  
 4-tionem quandam expugnare aggressus,

repente oculis captus est: sed furis precibus,  
 denuo illi dies illuxit. Quare mutato consilio,  
 retro unde venerat, Hierosolymam in vete-  
 ris spelunca penates se recepit. cum vero a  
 necessarijs rursus interpellaretur, relicta  
 clam urbe, primum ipsas Palestine Eremos,  
 loca sola circumiit. Tum Compostellam, postre-  
 mo in Etruriam venit, unde in sylva, qua  
 Livallia dicebatur, intra horridi specus sinum  
 se condens, eadem victus asperitate corpus  
 exercuit. sanctitatis eius fama inde  
 erumpente, multi, qui circum Eremos ex S.  
 Patris Augustini institutione incolebant,  
 socios se illi adiunxerunt. sed interese  
 paulatim spiritibus fervore, cum ab ipsidem  
 se sperni cerneret, secessit in montem, qui  
 de Bruno vocabatur.

Lectio VI. In quibusdam ibi excitato, eundem vita  
 rigorem prosequens, venenata animantia,  
 quae prius locum infestabant, procul absepe-  
 runt. sed nocte quadam, cum preceationibus  
 de more insisit, a demonibus dire caesus,  
 exanimisq; relictus, a Beata Virgine duobus  
 comitata Virginibus, celesti unguento  
 delibutus, et benigno alloquio recreatus,

un aliquo  
 fractu  
 fovi  
 mentem  
 consilia  
 et cetero  
 s, ad pe  
 contuma  
 ad Rabi  
 s, nunci  
 li Compo  
 Hierosol  
 qusta dom  
 conditio  
 rum p  
 . nam  
 ane, ex  
 et, fr  
 ruti  
 Aug  
 affia  
 am ne  
 s ad  
 conis  
 lanon  
 eggre

„ pristina incolumitati restituitur. post  
 „ multas deniq; migrationes in horridam soli-  
 „ tudinem senensis ditronis, cui stabulum  
 „ Rhodis nomen erat, se coniecit. quo in loco  
 „ per annum ferme et sex menses unicum  
 „ Alberto discipulo ac ministro solito asperius  
 „ reliquum vite transegit. supremam sibi  
 „ vite horam imminere sentiens, accersito sacer-  
 „ dote, pie omnia Ecclesia sacramenta susce-  
 „ pit, defixoque in calum obtutu e vita excep-  
 „ Anno post Christum natum millesimo cente-  
 „ simo quinquagesimo septimo. hucusq; trop-  
 „ rium Augustinianum. Idem dein officii-  
 „ um per integram de Favam per contextum  
 „ prolixè enarrat prodigiosam vite seriem  
 „ S. Guilielmi Magni Eremita. Ego etiam  
 „ Signanter hic M moneo, ne quis unquam  
 „ eo temeritatis devenisse existimet, ut eam,  
 „ que in hac Historica descriptione narratur  
 „ vite Sanctitas, aut enata inde prodigia  
 „ in dubium vocare, nedum negare presumat,  
 „ Sed id unice desidero, ut ea omnia iuste  
 „ adscribantur S. Guilielmo Tuscia Eremita,  
 „ et non alteri Guilielmo penitenti Aquita-

nia Duci, quem in stabulo Rhodis nec  
vixisse, nec obiisse, neque unquam inter  
sanctos Canonica apothecosi relatum,  
multo minus Ordinis alicuius Authorem  
fuisse, deinceps liquido demonstrabo.

Num: 2<sup>us</sup> Neque soli sunt P.P. P.P.

Ermita S. Augustini, qui in suo offi-  
cio proprio hanc de S. Guilielmo opini-  
onem publice sustinent. Ipse etiam

Sacer Guilielmitarum Ordo Institutorem  
suum eundem in modum agnovit, imo plu-

ribus insuper additis per prolixam auxe-  
sin protulit in Libello typis Friburgen-

sibus in Brisgoia excuso Anno 1601  
cui Titulus: "Officium S. Guilielmi"

Confessoris, quondam Ducis Aquitaniae,  
et Comitis Pictaviae, nec non Institutoris,

Ordinis sacri sui Nominis Guilielmita-  
rum, Authoritate P.P. P.P. Priorum

Eiusdem Ordinis denuo recusum.  
Quod quidem Officium indubitata fide

in tribus P.P. Guilielmitarum Monaste-  
rijs: Oberriedtano ad pedem montis [a]

[a] Hodie per vulgarem cathoresin dicitur Altdorf.  
antiquitus Rofenburg, id est, Ruffenburg, propter  
pasua pecorum eo in monte celebra. Archiv. Ober-  
riedtense.

Blasio

pecorum in nigra Sylva termino, uno  
 à Triburgensi Civitate milliario: Sionensi  
 in Ergovia oppido (Lingnoviensi contiguo;  
 et Mengensi in Suevia, quotannis die  
 10 Febr: et per Octavam publicè recita-  
 vi solebat usq; ad annum 1725. quò  
 tria hæc Monasteria Auctoritate  
 Sumæ Sedis Apostolica, et Augustissimi  
 Imperatoris Caroli VI. Congregationi  
 Benedictina S. Blasij in Nigra Sylva  
 sub Abbate huius Nominis 3<sup>to</sup> plenò  
 Jure incorporata sunt: ex quo deinceps  
 tempore ijdem Patres Conformes reliquis  
 Confratribus, omisso hoc Officiò Proprio  
 in 2<sup>o</sup> Nocturno legunt ex libro Moral.

S. Gregorij Papæ: "Deridetur Justi Simplex  
 Num: 3<sup>tius</sup>  
 Profectò Opinio hæc, ætate  
 etiamnum nostrà adeò apud plerosq;  
 obtinet, ut periculum, si non temeritatis,  
 minimum Singularitatis subire, à multis  
 Doctrinà hæud minus quam pietate  
 Insignibus Vivis existimentur ij, qui  
 contrarium sentire ausint. Hæc ceu  
 vera et citrà omne dubium firma, ore

comuni narratur, chartis inscribitur,  
penicillis depingitur, cupro insculpitur,  
cantatur in templis, celebratur è pulvi-  
tis. Sarcò laudatur S. Bernardus, et  
non iuxta inducitur Guilielmus Loeni-  
tens Aquitanorum Princeps tanquam  
sanctus sive Eremita prodigiosus.

Elogiographus quidam in libro, cui Ti-  
tulus: Pluma militaris Ecclesie Año  
1725. Typis Noringbergibus edito, Elo-  
gio xxxiii. Iconi S. Guilielmi a fabre inciso  
hæc subscripsit verba: „ S. Guilielmus „  
Gallus, ultimus Aquitanie Dux à s. b. „  
Bernardo ad meliorem vitam conversus, „  
Severam eqi. poenitentiam: varijs „  
exanblatis peregrinationibus, tandem „  
Ordinem Guilielmitarum instituit, „  
confirmatum ab Innocentio IV. obiit in „  
stabulo Rhodis 10. febr: anno 1157. „  
Hunc quidam ex Nostris superrime con- „  
fidenter secutus, inter alia, SS. Ordinum „  
Fundatorum efigiebus appensa ad calcem „  
emblemata, quibus Monasterij San. Blasiani



ab Excell.<sup>mo</sup> DD. Abbate Francisco II.  
 è fundamentis noviter exstructi  
 parietes, ceu aulceis sanctè superbiunt,  
 S. Guilielmi prototypo hanc subscripsit  
 epigraphen:

"S. Guilielmus Gallus"  
 "Dux Aquitaniae ultimus, instituit,"  
 "Ordinem Guilielmi: Confirmatum"  
 "ab Innocentio IV Pont. obiit in,"  
 "Tabulo Rhodis 10. Febr. 1157."

Corvo in Monasterio Nostro Oberriedt  
 nuper adhuc Ord. Guilmitarum Corona  
 Mariae nuncupato, nunc Congregationis  
 S. Blasij Insigni Prioratu, in ipsa Ecclesia  
 Regulari cernitur, Altare in Divi Guilielmi  
 Honorem dedicatum, in quo Ducali salu-  
 damento ornatus Guilielmus nobilium si-  
 -gnatus firmate, ad pedes S. Bernardi,  
 Dei Eucharistici Majestate exanimatus  
 prosternitur. quam erudite, et histori-  
 -cae veritati conformiter eae depictae aut  
 subscriptae sint Tabula paulo mox diudicabim.  
 Gallia etiam ob Gentis suae sagacitatem  
 famosa, hodiernum in diem incisae ari

Icones arte diagraphicâ chalcographico  
 praelo a fabre expressas passim sine scrupulo  
 vendit, apposito etiam Christianissimi Re-  
 gis Privilegio, hæc Engrashe audacter  
 subscriptâ S. Guilaume Duc D'Aquitaine.

Num: 11<sup>bus</sup>

Ego deniq, qui hæc scribo,  
 totus adeo huic eidem opinioni, et tam firmi-  
 ter à puero in hæsi, ut nunquam quidem  
 mihi in mentem venerit de ea vel minimum  
 dubitare. Quæ passim huius Sanctissimi  
 viri exstant Imagines, ac præcipuè tot  
 piorum iuxta ac Eruditorum constans  
 Assertio, alibi adeo eam opinionem animo  
 meo desixerant, ut tametsi unus aliquis  
 contrarium adstruere voluisset, haud  
 facile præceptam excubi sententiam  
 menti meæ passus essem; donec fortè for-  
 -tuna amica cuidam Duorum Gravium  
 atq, Eruditorum Virorum de hoc ipso Ar-  
 -gumento Disceptationi interesse licuit,  
 quorum unus ex Illustri Ordine S. Augusti-  
 -ni, qui Hospes ad nos in Monasterio

Oberriedtano diverſit: hic occasionem  
 ex tempore nactus, mox hanc ipsam opi-  
 -nionem ceu firmam fixamq; ſententiam  
 aſſeruit. Contradixit continuo ſquod ego  
 mirabar, ubi primum auribus meis inſonuit.  
 Loci ſuperior, predicti Monasterij eſt  
 Blaſio ordinatus Prior Noſter. Huius  
 ego Viri in indaganda rerum veritate  
 ſolidam perſpicaciam longo uſu familiariter  
 pernoſcens, et Critices Fundamentalis  
 avidiſſimum probe ſciens, poſtquam Argu-  
 -menta quaedam ex Chronologia Syntag-  
 -matibus deducta audivi, nubare me primo,  
 mox poſitivo dubio diſtrahi mentem meam  
 adverti. Nec longa interceſſit mora, dum  
 victas dedi manus, et totus in ſuperioris  
 mei ſententiam iri, haud equidem aſſen-  
 -tandi Audio, quod quam procul ſit a  
 genio meo, norunt omnes, qui me norunt,  
 Provi immortali veritatis agnita adactus.  
 Non enim ego unquam ijs accenſeri velleo,  
 qui impoſenti partium ſtudio excoecati  
 clare veritati obſtuntur etiam contra

mentem. Neq; in unâ hâc Thesi illa  
 sum finis Disputatio. mox altera acrior  
 longe orta controversia. Asperuit potio  
 Augustinianus sacro suo Ordini Totum  
 Quantum Guilielmum. Hunc suo in  
 ordine vixisse, suumq; Guilielmitarum  
 Ordinem Eremitarum sub Regula sancti  
 Augustini instituisse, multâ spiritus conten-  
 tione, et inotâ mente affirmavit. Negavit  
 iterum Prior Noster, et ego, factâ dicendi  
 copiâ, cum ipso. Ex eo igitur tempore,  
 firmum continuo fixumq; menti meae insedit  
 decretum, universam S. Guilielmi Histo-  
 riam, labore haud perfunctorio, ad Cri-  
 ticanam examinandi censuram, eamq; à  
 mendis atq; parachronismis emaculandi.  
 Eum in finem, quosquos de hoc Argumento  
 scriptores experiri quidem potui, eos omnes  
 indagine conquisitos, attentius lustravi,  
 limatiusq; perpendi. animavit me rese-  
 titâ paratâ multoties superior supra

memoratus, et aliunde iam propria indole  
 incitato addidit calcar: vixdum exor-  
 -sus laborem, pertinaci multorum men-  
 -sium corporis aegritudine graviter ten-  
 -tatus, iussus movere a tabula manum,  
 Scribere quidem desij, sed non volvere  
 libros in rem meam accomodos. ubi dein  
 primum per acerbissimos dolores licuit,  
 quod meditabar mente in pulvillo, exaravi  
 dein calamo. Quos porro in hoc negotio  
 adhibui authores, primos omnium consu-  
 -lentos iudicavi viros in hoc scribendi ge-  
 -nere iam a seculo XVII. celebratissimos  
 e societate JESU Ephemericum Ecclesi-  
 -asticarum scriptores, Joannem Bollandum,  
 et Godefridum Henschenium, qui ambo  
 unanimi conatu et immenso labore, quot-  
 quot toto Orbe coluntur, vel a Catholicis  
 scriptoribus celebrantur, sanctorum Acta  
 ex Graecis et Latinis, aliarumq' Gentium  
 monumentis, accurata Critica pertractarunt.  
 Horum igitur Illustrium Criticorum Acta  
 ubi paulo penitus inspexi, duo mox appu-

hendi, quæ priorem illam opinionem suspec-  
 tam mihi magis, posteriorem vero certam  
 omnino mihi nuper imbibitam redhibuerat.  
 Primum erat constans consensus Autho-  
 rum seculi XII. XIII. et XIV. omni exceptione  
 maiorum, quorum ne unusquidem excipio  
 Theobaldum Episcopum, de quò dein singu-  
 lariter agendum | Guilielmum Ducem  
 Aquitanie Nonum et ultimum, vel sanctum  
 depraedicat, vel Eremitam factum, minus  
 Ordinis alicujus Institutorem fuisse  
 vel ullò apicè meminit: sed unò omnes  
 convenienti testimoniâ, penitentem eum  
 in sua peregrinatione mortuum iam Anno  
 1137. Compostellæ in Galicia extremâ  
 Hispaniarum Provincia testatur [a]  
 Alias deinde quascunq; de hac re opiniones  
 sæculis subsequētib; præsertim Decimo sexto  
 fabulis aliunde infami [b] in Historiam Eccle-  
 siasticam irrepsisse facili dein impendiò ad-  
 verti: hoc ipsò namq; tempore mundus propè  
 universus ignorantia nubibus misere obvolutus  
 in sole veritatis infamem et ab Authoribus  
 rarisimè deploratam passus est eclipsin, quæ

[a] Acta SS. mens. Febr. Tom. 2. §. 5. fol. 471.

[b] In Decimo sexto mentitos plurima sæclò  
 Suspicio Historicor. quotibet in folio. Joan. Owenus  
 Oxon. L. 1. Epig. 24.

innumeras exinde fabellarum tenebras,  
 ingenti etiam non rei literariae duntaxat  
 sed et Catholicae Religionis dispendio,  
 ad pudorem usq; posteritatis toto orbe  
 dispersit. [a] Posterius vero quod  
 Acta sanctorum percurrenti prima fronte  
 occurtebat, erat id ipsum, quod primitus  
 in Disputatione paulo ante indicata  
 ex Clariss. P. Priore Oberriedtano audi-  
 re licuit: Duorum scilicet aut etiam  
 plurium Guilielmorum Acta, intricabili  
 mistura semel atq; iterum esse confusa,  
 et ex duobus praecipue unum esse con-  
 flatum. Guilielmum Magnum Eremitam:  
 cuius quidem confusiois primum Autho-  
 rem fuisse Joannem Flajum quemdam  
 Guilielmitam Parisiensem prodidit  
 Joannes Bestius Historia Lictaviensium  
 et Aquitaniae Ducum Insignis scriptor,  
 qui idem Joan: Flajj librum ceu fabellis  
 plurimis et parachronismis deturpatum  
 acerbe satis perstrinxit. De utroq; hoc  
 viro inferius iterum fiet mentio.

[a] Joan: Trithem. in Annal. Hirsang hinc inde sepius  
 et Authores passim.

Num. 5<sup>us</sup> Satis superq<sup>ue</sup>, ut opinor, per hunc  
 digressum ceu per anecdodem mentem denu-  
 dari meam. Tempus iam est, ut promissorum  
 memor, incipiam deniq<sup>ue</sup>, agere huic de sancto  
 Guilielmo Historia superfluos errores et  
 errantia symptomata per criticum cathar-  
 rium expellere, et eam integram sanamq<sup>ue</sup> pristi-  
 nae sospitati restitutam producere. Id  
 autem antequam ex ordine prostem, illud  
 nobisimum claritatis ergo enucleare exordi-  
 or, in quo universus cardo controversia ver-  
 titur: Utrum Dux Aquitaniae IX. et Ulti-  
 mus sit ipse ille Guilielmus Magnus  
 Eremita Ordinis Institutor, qui in stabulo  
 Rhodis sancte obiit A. 1157. Tot miracu-  
 lorum prodigiosus Thaumaturgus?  
 Quem si non in stabulo Rhodis, sed viginti iam  
 retro annis in Hispania ad Compostellam Galli-  
 cie ex hac mortali vita, positus ibidem ad  
 Aram Divi Apostoli Jacobi exuvijs celsis se  
 satis probavero, per se deinceps cetera  
 omnia per facile cluebunt.



§ 4<sup>us</sup>

Quis & Qualis fuerit  
Guilielmus IX. Dux Aquitaniae  
ultimus? à unius usq; ad Finis  
Synopticè narratur.

Mem. I<sup>us</sup>. // Haud equidem in praesentiarum  
est animus integram Guilielmi IX. ultimi  
Aquitaniae Ducis Historiam per prolixam  
parenthesin ex instituto adornare:  
ea duntaxat, quae praesens institutum  
attingunt, et quidem certa omnia, et  
irrefragabili auctoritate firmata, ex-  
clusa omni etopoeia, adducere, consultum  
imò necessarium duximus.

Natus est Guilielmus Noster anno Redempti  
Orbis 1099. [a] Patrem habuit Guilielmum VIII.  
Aquitaniae Ducem, et Comitem Picavorum.  
Matrem binominem Philippam Mathildem  
Tolosani Ducis Filiam. Patri deinde suo  
Guilielmo VIII. Anno 1126 quarto Idus Febr.  
die nimirum eiusdem mensis 13. Decimo [b.]  
anno obitus sui 55. è vivis sublato, successit  
in Principatu Aquitaniae et comitatu

[a] Henschen. in Actis. S. Febr. Tom. 2. fol. 938.

[b] Quia eodem ipso die 10. febr. etiam mortuus est sanctus  
Wilhelmus in Abbatu Rhodisii 57. hinc occasio data  
erroris duos Guilielmos in unum confundentis.

Pictaviensi. Anno 1130. Mortuo Honorio  
 2<sup>o</sup> Pontif. exortum est schisma famosâ  
 pernicie notum Petri Leonis, qui sub  
 nomine Anacleti II. Pseudo-Pontifex  
 contra Innocentium II. Verum et unicum  
 Christi Vicarium Tyrannidem diu exer-  
 cuit, atq; Ecclesiam Dei miserandum in  
 modum dilacerandô afflixit. Sub  
 initium quidem huius nefandi schismatis  
 Dux Guilielmus cum Aquitania Uni-  
 -versa partes Innocentij laudabiliter  
 sequutus {A} mox tamen à Gerardo Engo-  
 -lismensi Episcopo, et Agidio Tusculano  
 Cardinale Anacleti Fautoribus actus  
 in transversum, magnisq; corruptus  
 muneribus, totus quantum post vias  
 peccatorum abiit, non schismaticus  
 duntaxat, sed et crudelis persecutor  
 factus eorum omnium, qui partes Inno-  
 -centij iuebantur {B} Monachorum pro-  
 -cipue, quos in ipsâ Festivitate Sancti  
 Joannis Præcursoris Domini sacra solen-  
 -nia celebrantes ex Ecclesiâ violentâ

2. {A} Diploma Colleg. Canon. S. Hadegund. citat. ab Hensthen.  
 fol. 439.

1. {B} Ordericus Vitalis l. 2. Hist. Eccles. Author  
 Synchronus. Cod. MS. novi monast. Pictav.  
 Item Labbeus in miscell. Curios. c. 20. § 8.

impietate eiecit, thesauros sacros ausu  
 sacrilegò diripuit, et viros Religiosos  
 Monasterij Angeliacensis crudeli vexa-  
 tione vehementissime afflixit. cuius  
 tamen sacrilega invasionis postea poeni-  
 tens, largis eisq; Solemnibus Donati-  
 onibus eidem Monasterio abundanter  
 Satisfecit, coràm Monachis in Capitulo  
 congregatis mirà humilitate prostratus,  
 supplici habitu tanti erroris veniam  
 exoptans. [a] Hunc igitur Lupum  
 ferocem ovile Christi rapaci insultu  
 undiq; dispergentem cicurandi Spartam  
 Anno 1131. Innocentius comisit duobus  
 Viris illò avò præstantissimis, Gosleno  
 nimirum Episcopo Suesionensi, et Bernar-  
 do Lava raris Abbati sanctissimo.  
 Uterq; tum scriptis, tum presentibus  
 verbis patheticè inbandò, nullum non  
 movebat lapidem, obsecrandò item et  
 increpando monachos continuo, ut à  
 schismate Principem averterent, eumq;  
 Ecclesie Gremio restituerent. at

[a] Diploma Monast. Angeliac. cit. ab Hensten.  
 in Actis S. Felis. Fol. 939.

irritō tum quidem conatu. Indu-  
 ratum Cor Guilielmi eousq; callem ob-  
 duxit, ut in silicem metamorphosizatum  
 crederes. Integris quinque annis  
 restitit Spiritui Sancto, qui per os Ber-  
 nardi loquebatur ad Cor. Anno  
 deniq; 1134. Sanctissimus Abbas e con-  
 cilio Patrum Lisis congregato redux  
 in Galliam, rursus emolliendo schismati-  
 co Principi totā emphasi omnem impen-  
 dere operam institit; quod tandem  
 Dei miserentis Gratia feliciter cessit.  
 Anno siquidem 1135. [a] per epistolam ad  
 Principem scriptam, ad alloquium rursus  
 ut admitteretur, sumis et imis precibus  
 supplex rogavit Bernardus. Voti  
 demum compos factus, post iteratum  
 cum fastuoso Duce congressum, vi de-  
 niq; occultā, et improvisō lumine tactus  
 Guilielmus, imensā cum primis Dei Eucha-  
 ristici virtute, Cuius Majestatem  
 Vir Sanctus generosō ausu, iam non

[a] S. Bernard. Epist. 126.

Supplex sed igneo vultu, oculisq' miras  
 spirantibus, ob oculos presentem exhi-  
 -bebat, velut alter faulus {a} illico in  
 Terram prostratus ad instar epileptici  
 ore in salivam diffluente Terribili euila-  
 -tu orem Bernardi inclamans victas  
 Dedit manus, atq' eiurato schismate  
 ad Obedientiam Innocentij, adeoq' 7  
 Gremium Matris Ecclesie redijt.  
 Neq' tamen ex integro tunc resipuit  
 vir bellicosus et acer. sacrilegus  
 atq' rapinis vivere diu suetus.  
 abdicato quidem Anaclito Pseudo-Pon-  
 -tifice, Innocentium Papam legitimum  
 professus, Episcopos nihilominus et  
 Abbates per schisma suis sedibus pulsos,  
 ut restitutis Ecclesiasticis Bonis suas  
 in Ecclesias redire permittere  
 avaritia imersus sordibus necdum con-  
 sensit. Imo eodem adhuc anno currente  
 ingenti Ecclesie sanctae iniuriam Terri-  
 -cos S. Hilarij e Civitate expulit {b}

{a} Spondanus in Epit. Annal. Eccles. Cas.  
 Baronij ad annum 1135.

{b} Epist. S. Bernardi 123.

ubi ipsemet acerbe conquestus est. Sanctus  
 Bernardus in Epistola ad ipsum Guiliel-  
 mum hac de causa tunc perscripta, melle  
 et aceto permixta huius tenoris: *Agnosce*  
*re se quidem Mutationem Dexteræ*  
*Excelsi, Sed mirari, quò cuiusvè con-*  
*silio tam subito in deterius sit mutatus,*  
*ut rursus ad iniuriam Ecclesie (Teri-*  
*cos S. Hilarij de Civitate excelleret,*  
*et iram Dei in se gravius quam primum ex-*  
*citaret.* Anno etiam sequenti  
 1136. [A] Guilielmus nondum malorum satur  
 ab Godredo Andegavensi Principe contra  
 Stephanum Regem Anglorum in societatem  
 belli aditus, cum ingenti exercitu Dux  
 suo avo potentissimus Normanniam invasit,  
 ubi rursus per universam Normannorum  
 regionem, omnia usq; deq; eversa, <sup>diruta</sup> Temple-  
 tivorum eversa, vel dirupta, Monasteria  
 sacra suppellectili spoliata, eiecti iterum  
 Monachi, sacerdotes innumeris vexati iniu-  
 rijs, cædes undiq; et incendia, ita quidem,  
 ut Exercitus iste Aquitanus non occupare

[A] Holland. in act. S. Febr. Tom. 2. fol. 440.

pro Andegavensi Provinciam, sed  
 evertere eam proorsus decrevisse vide-  
 retur. Sed non tarda fuit irati  
 Numinis animadversio. mox à tergo  
 institit vindex Scelerum Divina Nemesis.  
 intra Tredecim ~~Die~~ <sup>Septem</sup> ~~die~~ <sup>domades</sup> ~~die~~ <sup>domades</sup> totus pro-  
 pmodum exercitus Diaræa profluvio  
 sedè disfluxit; pauci in Galliam Trepidi  
 cum dedecore foetentes evaserunt, tur-  
 pissima post se relinquentes vestigia | A/  
 Gerardus præterea Anacleti Pseudo-  
 Legatus Cardinalis Episcopus Engolimen-  
 sis, seductor ille Guilielmi, & omnium  
 inventor malorum in schismate obdura-  
 tus eò ipso tempore Divinam in se con-  
 citavit vindictam, repertus de nocte  
 in thalamo repentinâ morte extinctus  
 toto corpore foetissimò fumore deforma-  
 tus ad horrorem, cui ne Tellus quidem  
 honestam concessit requiem. corpus  
 siquidem Schismatici Præsulis in privatâ  
 quâdam Ecclesia clam depositum iussu  
 Gauffredi Cantuariensis S. sedis Legati

[A] Ordericus Vitalis lib. 13 Hist. Eccles.  
 Item Bestius dans l'Hist. des Evêques de Boitiers.

effossum denuò et negligenter abiectum  
 ignobili ac profano loco in rus abiit et  
 Panem. Nepotes porro eius omnes ab  
 sinaculo Ecclesiasticis aucti muneribus  
 ab officijs deiecti, debitas suorum cri-  
 minum iussi sunt exolvere poenas, Deo  
 exosi et hominibus. [a] His demum  
 contritus malis, et patentibus adeo  
 irati Numinis prodigijs, ex alieno etiam  
 periculo cautior Dux Guilielmus,  
 atrocitate scelerum suorum salubri  
 timore pavidus, serio iam misericordis  
 Dei bonitate totus in se rediens seve-  
 ram sibi indixit poenitentiam, peregrin-  
 nationem nimirum difficillimam ad ex-  
 tremas Hispaniarum oras Compostellam,  
 ubi ad Divi Jacobi Apostoli sacras exuvi-  
 as Voti et Religionis causâ ex toto  
 orbe Christiano frequentissimi confluant  
 peregrini. Compostellam igitur illustri  
 comitantium stipatus symate peregrinè  
 profectus Dux poenitens Guilielmus,  
 mox itinere necdum exacto, lethali

[a] Henr. Prondanus in Epit. Annal. Baronij  
 ad an. 1135. Item Bernard. abbas bona-  
 vallis in vita s. Bern. Clarevall. d. p. 2. c. 6.



correptus morbo, <sup>h</sup>mo Christi Corpore  
 multā cum devotione percepto, sua  
 imortuus poenitentia piissimē in  
 Domino obdormivit ipsā Feria sexta  
 Parasceves Anno 1137. v. Idus Aprilis,  
 unicam post se relinquens Heredem  
 tredecim Annorum puellam Principem  
 Alionoram / Eleonoram / quam cum ditissi-  
 ma Dote totius Aquitania, atq;  
 Pictavia Comitatus Amplissimi, ultimā  
 voluntate coram Proceribus sibi mori-  
 enti adstantibus, Ludovici VI. Gallorum  
 Regis Filio Ludovico VII. desponderi iussit,  
 quod et factum postea solemni universa  
 Gallorum Gensis tripudio. [a] Eadem  
 tamen Eleonora quarto post obitum  
 Patris Anno, videlicet 1151. facto cum  
 Ludovico divorbio, nupsit Henrico  
 Normannorum Duci, qui dein Anglorum  
 Regno potitus uxorio nomine repetitā  
 à Gallo dote Aquitaniam sibi cum Picta-  
 via Comitatu vindicavit.

[a] Orderic. Vital. l. 13. Hist. Ecclēs.

[b] Gervasius Dorovarnensis scriptor seculi XII.

Hæc igitur de Guilielmo IX. Ultimo Aquitanorum Duce vera sunt et sincera. reliqua verò quæ de Eo à varijs narrantur, plerq; Sublestæ fidei, Suspecta, aut omnino ad Fabulas amandanda.

Num: <sup>2<sup>us</sup></sup> Unum ego in rem Nostram signanter adverti cum Eruditissimo Henschenio [a] Guilielmum VIII. Nostrum, de quò agimus, Guiltmi Parentem diem obiisse extremum IV. Idus Februarij, qui est eiusdem mensis X. quò ibidem die uno et tringinta annis postea etiam in stabulo Rhodis mortuus est sanctus Guilielmus M. Eremita. unde nova erroris occasio nata est, ut dum dies obitûs Patris perperam adscriptus est filio, hic dein pro ipso S. Guilielmo Eremita Ordinis sacri fundatore sit habitus, initium errandi faciente Bucheto, Authore in hoc quidem scribendi genere admodum facili, et idcirco sæpius delusio et deludente, atq; ob id ipsum à laudato

[a] in Actis SS. Febr. Tom. 2. fol. 439.

Henschenio haud semel acerbius vapulante.  
 placet ipsissimam Doctissimi Viri Crispi in  
 Bucheti sententiam proprijs atlexere verbis:  
 „[a] Novam et multum intricatam hic ingentem  
 rerum perturbationem Buchetus, et post  
 pauca, Buchetum describit Paradisus,  
 et Joannes Hajus. hunc sequuntur Huber,  
 et Miræus lib. 2. Orig. Ord. S. Bened. c. 16.  
 Guilielmus Nævius in Erem. Augustin. c. 2  
 Vita S. Guilielmi, Janucius Picus in eiusdem  
 vita. Ecce quam sit facilis descensus  
 averni, ubi ductor unus per devia errans  
 plurimos post se ipsdem involvit syrtibus, et cen  
 per ignem fatuum delusos, sponte currentes secum  
 præcipitat; unde plurimos dein enasci errores  
 necessum est.

Num: 3<sup>tius</sup>

Prolixior porro fierem, quam  
 presentis Institutii ratio exigit, si quasi-  
 bet de Guilielmo Duce narratiunculas, que  
 viris nostri ævi eruditissimis suspicionem fabula  
 cient, hic atlexere liberet. sunt, qui velut  
 ex cyclopibus procreato, imarem ei corporis  
 molem appendunt, et Gigantem deformant  
 tanta edacitatis, ut vitulo integro indies  
 unô iusculô vorando par fuerit insatiabilis  
 [a] in Act. S. loc. cit. §. 3. n. 20. Fol. 437.

hic belluo. Alij indolem indomitam, ferocem, atq; in omnem libidinem effusam eidem affinunt; quae tamen vitia suo potius Avro Guilielmo VII. adscribenda censet. saepe laudatus Henschenius [a] Quidam perfrictae frontis adulterum et impudentissimi incestus reum pronuntiant, utpote qui proprii fratris Germani uxorem Herodianam rabie infamis, integro triennio et amplius violenter tenuerit. quod tamen crimen Guilielmo VIII. eius Parenti verius et rectius adscribitur, utpote qui dimissam coniuge Hermengarde, sive, ut Ordericus eam vocat, Hildegarde, Malbergionem Aivaldi vice-Comitis de Castello uxorem infami adulterio superinduxit, citatus ob id a Pontifice Calixto ad concilium Rhemense, in quo etiam Hildegardis causam suam contra maritum adulterum rara eloquentia ipsa coram Patribus multo cum gemitu exposuit. [b] Taceo intricatissimas alias de eodem argumento narrationes quam plurimas, quae longiori contextu allegata videri possunt in Actis Sanctorum Bollandi saepe citatis. [c]

[a] loc. cit. num. 19.

[b] Orderic. Vital. scriptor coaevus, qui tunc in Normania monachus vixit, lib. 22. Hist. Eccles.

[c] à fol. 433. usq; 443.

Num: 17<sup>4us</sup>

Quo, quod ulterius effari  
 haud diseros, postquam Authores omnes,  
 quoscunq; demum solerti indagine lustrare  
 mihi licuit, de hoc nostro themate tractan-  
 tes, attentâ mente perlegi, accuratò etiam  
 studiò ad Chronologicam statem apertos  
 haud perfunctoriè examinari, id demum  
 aperte deprehendi, quod iam longius ante  
 me Sambson Huius Parisiensis non sine  
 Somacho conquestus est: [a] a quibusdam,  
 et tot et tam absurdas fabulas cum purissimâ  
 et veritate pugnantes de sanctissimo Con-  
 fessore, et Eius Ordine recitari  
 Et profectò tot fantasq; inconcinne catena-  
 -tas, sibiq; undiq; contradicentes Anamorphoses  
 hanc Historiam foedè turbantes, quisquis  
 penitus perpendit, mox ille mecum ad-  
 -vertet, primum illos fabulose narrationis  
 confarcinatores, aut propositè pios,  
 aut imperitè Simplicis, aut demum prodigi-  
 -ose Novitatis cupidos, ut Vitam Sancti  
 Guilielmi admirabilem magis et stupendam

[a] Sambson Huius in prefat. libri de vent. vite  
 et ordin. S. Guil.

posteris exhiberent, auxēsī prorsus inegitā  
 sed fabulorō illō avō haud infuetā, lepidā  
 congerie talia ē Morpheī pulvilo decompōta  
 consuisse, eā intentione, ut S. Guilielmo  
 Natalium splendorem ex adscititiā  
 Ducum prosapia adstruerent, atq; conver-  
 sionem eius stupendam magis, vitamq; sanctē  
 transactam prodigiosis narrationibus seu  
 veteris seu fictis illustriorem orbi postero  
 obtruderent. Hoc ut ad fictitium splendo-  
 rem feliciter, si superis placet, praestarent,  
 quidquid horrendi sceleris, quidquid stu-  
 pende novitatis, aut facti magis portentosi,  
 hinc inde ex gestis omnium Guilielmorum  
 congerere potuerunt, id omne quampluri-  
 mum amplificatum, atq; in deterrimam  
 partem contortum [a] uni Guilielmo nostro  
 improbā pietate asinxerunt. quemadmodum  
 postea ea omnia quae Guilielmi universi  
 diversis etiam saeculis laudabilia, aut  
 sancta praestiterunt, in unum item imperitō  
 compendiō congestere Guilielmum, cuius  
 Historiam amplificare per fas et nefas decreverūt.

[a] Acta S. Febr. 8. 4. n. 27. fol. 739.

Num <sup>5</sup> <sup>4us</sup> satis Superq; hactenus prolusur.  
 iam recluso demum cortice nucleus investi-  
 gandus, quem in apricum pono Synoptica hac  
 Syntēsi: Guilielmum IX. Ducem Aquita-  
 -niae Ultimū et Pictavorum Comitem, in  
 Tabulo Rhodis vixisse nunquam, minus ibidem  
 mortuum: nusquam item Eremiticam egisse  
 vitam: nullum unquam instituisse Ordinem  
 Sacrum: Nunquam etiam sanctorum fastis  
 insertum, neq; publicam in Ecclesia Atho-  
 -lica Duliam. Si ab ullo Pontifice decretam  
 esse; adeoq; S. Guilielmum Magnum  
 Eremitam, sacri Guilielmitarum Ordinis  
 Proto-parentem, Patria, Sanguine, Etate,  
 vitæ Institutō, Sanctitate, Miraculis,  
 totō demum Homine, ab Aquitano illō  
 Principe per S. Bernardum à schismate  
 ad fruges reductō omnino diversum esse  
 docebinus.

Hac candidē adeo et confidenter asserentem,  
 ne me ullus temerario iudiciō præveniat, sub-  
 -misit rogo, quousq; ea omnia, quæ mox sub-  
 -necto, pronuntiata sententia Testimonia, et  
 Chronologicas supputationes expendit.

Tus.

Guilielmum IX. Ultimum Ducem  
 Aquitaniae per S. Bernardum  
 à schismate reductum, perperam  
 statui pro Guilielmo Magno  
 Eremita Ordinis Institutore  
 methodo Synthetica demonstratur.

Num: i<sup>mus</sup> <sup>omnis</sup> est omnium omnino utri-  
 usque Aevi Perceptorum, atq; Ipsius etiam  
 Ecclesiae Sanctae Catholicae assertio, à nemi-  
 ne haecenus vocata in dubium, Sanctum  
 Guilielmum Eremitam Virum prodigioso  
 Sanctitatis mortuum esse in Aetruuria, loco  
 Provincia Tusca, qui stabulum Rhodis voca-  
 tur, die decimo mensis Februarij Anno 1157.  
 Probandum igitur hoc unum incumbit modo:  
 Guilielmum illum Aquitania Ducem Ultimum,  
 Stabuli Rhodis Eremitam incoluisse nunquam,  
 neq; in illa diem obijisse supremum: non  
 etiam Anno 1157. die 10 Febr. esse defun-  
 ctum; sed viginti citius annis, Anno 1137.  
 die itidem non 10<sup>mo</sup> Februarij, sed 9<sup>no</sup> Aprilis  
 (a) Martyrol. Rom. 10 Febr.



in extremis Hispaniarum finibus Gallicia  
 Provincia, suae feliciter inortuum esse  
 poenitentia, atq; ad S. Apostoli Jacobi  
 celeberrimum Compostellae cenotaphium  
 ante Principalem Aram depositum.

Totus igitur in hoc uno vertitur contro-  
 versiae praesentis cardo. Si enim Dux ille  
 Guilielmus Anno 1137. in Gallicia nono  
 die Aprilis mortuus est semel, qui dein  
 mori iterato potuit post annos viginti  
 in Tuscia? in qua tamen S. Guilielmum  
 Eremitam Sabuli Rhodis Incolam obijisse  
 Anno 1157. 10 Febr: extra dubium constat.  
 Universa illa sigmentorum strues per se  
 uno lapsu corruit, ubi unum hoc porisma  
 extra contradictionem fuerit in plano  
 firmatum. id quod triplici, eoq; irrefra-  
 gabili probationis genere confidenter  
 me effecturum spondeo.

Num: 2<sup>us</sup> *S*imum, idq; praecipuum  
 probandi genus habetur sicut verbis Car<sup>ni</sup>  
 Nostri P. Marquardi Hergott S. Caes. Ath. M.  
 Historiographi Sinceris ac authenticis Char-  
 -tis res Historicas firmare. [a]

[a] P. Marq. Hergott in Genealog. Diplomat.  
 Aug. Genit. Prolog. i. fol. 12.

Inber Eruditos Bollandi socios, nostrosq;  
Congregationis S. Mauri Benedictinos, et  
maximè Mabilonium decisum omnino est: Stan-  
dum esse potius pro Testimonio Diplomatico,  
quàm pro scriptoribus etiam coævis. Faxo  
igitur ut per Diplomata Regia clueat  
asserptionis nostra veritas.

Ludovicus VI. Cognomento Crassus Rex  
Galliarum eodem ipso anno, quo mors Gu-  
ilielmi contigit, Ecclesijs Aquitania  
Privilegia confirmavit Diplomate, quò  
obitus Ducis expressa fit mentio. exstat  
autem hoc ipsum Diploma apud Philip-  
Labbeum in Miscellaneis Curiosis c. 12. §. 10.  
quod integrum legi apud Bollandum  
[A] cuius hoc est initium: „In Nomine sanctæ  
„ & Individuæ Trinitatis Amen. Ludovi-  
„ vicus Dei Gratia Francorum Rex. Tibi  
„ Dilecte in Domino Gaufride Burdegalen-  
„ sis. Archi-Episcopo & circa medium:  
„ Prænomina-tis Episcopalis Sedibus, et  
„ Abbatibus eiusdem Provincia, quæ. B. Defun-  
„ -cto Illustri Aquitanorum Duce, ac Comite  
„ Pictavis Guillelmo per Filiam ipsius  
[A] Act. N. Tom. II. §. IV. n. 32. fol. 440.

1 Alienordam iam dicto Filio Nostro Ludovi-  
 2 co sorte Matrimonij cedit. Subscriptio  
 3 huius Diplomatis est isthec: Actum Pari-  
 4 sjs in Parlamento Nostro publice Anno  
 5 Incarnati Verbi |B| MC XXXVII. Regni  
 6 Nostri XXIX. Ludovico Nostro |Filio| in Regem  
 7 sublimato Anno IV. in presentia ☉ ☉.  
 8 Diploma alterum eiusdem ferme tenoris  
 9 concessit Ludovicus VII. cognomine Junior,  
 10 eo quod a Lavente etiamnum vivo in Reg-  
 11 ni societatem assumptus fuerit, quod ab-  
 12 scribatum ita sonat |A| Ego Ludovicus  
 13 Junior Magni Ludovici Filius D.G. Rex  
 14 Francorum et Dux Aquitanorum Tibi Gau-  
 15 fride Burdegalsis, <sup>Archid.</sup> Episcopo cum sufraga-  
 16 neis . . . . . ducimus annuendum, et in sede  
 17 Burdegalsi, et in prenominate Episco-  
 18 palibus sedibus, Abbatys eiusdem Provin-  
 19 cie, que |B| Defuncto Aquitanorum Duce  
 20 et Comite Pictavis Guillelmo, per Filiam  
 21 ipsius Alienoram nobis sorte Matrimonij  
 22 cedit. Subscriptio est ista: Actum Burde-  
 23 galensi in Palatio Nostro publice, Anno  
 24 Incarnati Verbi |B| MC XXXVII. Regni  
 25 Nostri IV. in presentia ☉ ☉ |B|

|A| Act. P. Tom. 2. num. 33. Item Renatus Choppinus  
 lib. 1. Sacra Solitia Tit. 7. num. 3.  
 |B| Labbeus in miscell. curios. c. 12.

Huius etiam Diplomatis meminit Claudius Robertus in Gallia Christiana, ubi de Archiepiscopatu Cuiusq; suffraganeis Episcopatibus antea Duci Guilielmo subiectis agit. Neq; ullum superest de legitima horum Diplomatum Authovitate dubium, accedere Universae Historia Ecclesiastica assensu, ab Illustrioribus Regni Proceribus, atq; Ecclesiarum Gallicanarum Antistitibus, propriae praesentiae et solennis subscrip-  
 tionis irrefragabili Testimonio satis superq; comunito. [a] ut porro Diplomatum Regis nec minima adulterina suppositi-  
 onis suspicio affingi a quovis unquam possit. Regium etiam sigillum Ludovici VII. appensum ipse inspexisse se confessus est Joannes Buchetus ceteroquin nostra sententia ex professo iniquus [b] in cuius sigilli altera parte conspicuus est Rex in Throno sedens, in altera vero Princeps armatus in equo manu gladium gestans. Obitus ergo Guilielmi Ultimi Aquitanorum Ducis, Pictonumq; Comitum Diplomaticè probatus, et in Annum 1137. feliciter statutus maneat, permanetq;.

[a] Godef. Hensch. l. c. in Actis. p. n. 33.

[b] Jo: Buchetus parte 3. Anal. Aquit. c. 3.

Num: 3<sup>tius</sup> Joannes igitur Buchetus  
 mox laudatus seculi XVI. scriptor satis  
 famosus, pluribusq; tum metro tum prosa  
 scriptis Gallicò Idioma libris egregie  
 suo orò inclarescens, maxime ob *Annales*  
*Aquitaniae* ab origine gentis usq; ad annum  
 1545. deductos comendatus, advertens se  
 invincibili inspecti Diplomatis fidei aperto  
 iam Marte contraire neutiquam posse,  
 imbibita nihilominus Opinione, constanter  
 magis quam prudenter tenax, ut *Guili-*  
*elmum IX*, etiam contra agitam veritatem  
 nihilominus *Eremitam sanctum*, et *Ordinis*  
*Fundatorem* porro assereret, ipsi luci  
 offundere tenebras est ausus, plausibili, si  
 Superis placet, propria ex *parencephalide*  
 veluti ex *Tripode* deprompto sigmento,  
 quod lepide admodum hunc in modum com-  
 mentus est *Vir sagax*: *Primo*, ut magis  
 candidus appareret, fatetur ipse, omnes  
 4 *Rerum Gallicarum* scriptores tradere,  
 4 *Hunc Ducem Guilielmum Anno MCXXVII*,  
 4 *in Gallia apud S. Jacobum vitam fun-*  
 4 *-ctum esse.* Mox tamen liberali

licentiã primus omnium asserit [a] Eum  
 in illã ad S. Jacobum peregrinatione,  
 morbum, morbemq[ue] Simulantem, nocte  
 mediã in veste dissimulatã, unõ tantum  
 alterove conscio, à suis se subduxisse,  
 ac fugisse. Ecce! Novum iam se-  
 culi xvi. Alexium in Guilielmo, insufflan-  
 te spiritum Bucheto redivivum, inter  
 suos mortuum et viventem tamen. Terri-  
 -le omninõ fuit Bucheti avum paradoxa  
 eiusmodi Novitatis. Delusa est à  
 reviviscente suo Rege Sebastiano credu-  
 -la nimis Lusitania. Rubet etiam pium  
 ex pudore à duobus redivivis, scilicet,  
 Demetrijs foede decepta Moscovia.  
 At non ita facile illuditur Gallorum  
 Genti sagacissimã, Galli haud facile sueta.  
 Analphabetum fanè in re Historica  
 oportet esse eum, qui fidem Diplomatibus  
 derogandõ, fabellis eam novõ quo-  
 -vis proutu excogitatis vellet adstru-  
 -ere; ut mirum proinde sit, Buche-  
 -tum novã hãc Diplomata obsuscandi  
 ratione, viros quamplurimos, et ipsum  
 etiam Sambonem hãcun suas in partes  
 tam facili et scenicõ probandi ritu,

[a] Henschen. in act. f. l. c. §. 3. n. 56.

pertrahere unquam potuisse. ego  
 profectò supervacaneum proorsus astino  
 ubi Veritatem per Diplomata feci  
 conspicuam, eidem, fabulas refutando,  
 proposita probandi superfluitate,  
 novas adspargere tenebras.

Buchetum de cætero qui vapulantem  
 nosse avert, Acta sanctorum Bollandi  
 sæpius citata per otium legat, ha-  
 bebunt quod delectet. ego serijs  
 probandi Argumentis intentus, ad  
 præstandum, quod proponi, festino.

Num: 4<sup>us</sup>

Alterum Genus rem His-  
 toricam firmandi Diplomatica probati-  
 -oni proximè super, est synchronorum scripto-  
 -rum assensus, et maxime præsens oculato-  
 -rum testium constans attestatio: quo enia  
 vivo proximior est narratio, procul magis  
 à dubio et corruptionis suspitione eius  
 reputantur asserda: edacis siquidem na-  
 -turae est Tempus, paulatim ipsa etiam  
 senescit Veritas, rugas ipsa contrahit dum  
 fit vetula, deperditò plerumq, Nativò ori-  
 -ginis nitore. Hoc porro probationis  
 genere nostram statumirandi sententiam  
 perquam facilis labor est, postquam multa

processit, eaq; studiosa Lectio Librorum  
in rem conducentium.

Primum omnium non coeuvus tantum sed  
etiam praesens testis rei gesta et Index asser-  
tum hoc nostrum egregie adstruit Sugerius  
Abbas S. Dionysij Regius Ludovici VI.

Minister Arcanorum Regni intimè con-  
sciens, et deinceps à Ludovico VII. Guilielmi  
Genero praecipuis Regni negotijs praefectus,  
qui etiam inter Magnates & Proceres  
Galliae ipsemet sua manu praesens subscripsit  
Diplomati Numero praecedenti adducto.

Sugerij autem ipsissima verba sunt isthaec:

[a] Cum Miliduro Castrum Bestisiacum per-  
venisset Rex Ludovicus VI celeriter subse-  
cuti sunt eum Nuncij Guilielmi Ducis  
Aquitaniae, denuntiantes Eundem Ducem  
ad S. Jacobum peregrè profectum in via  
demigrasse: sed antequam iter aggrede-  
retur, et etiam in itinere moriens filiam  
nobilissimam puellam, nomine Alienor,  
desponsandam, totamq; terram suam  
Eidem retinendam et deliberasse, et dimisisse.

[a] Sugerius Abbas in vita Ludovici VI.



et post pauca indicat se ipsum socium  
 itineris, et universi Negotij administrum  
 precipuum fuisse, dum ait: „Nos autem  
 „Familiares Eius, et quoscunq, Sanioris Con-  
 „siliij reperire potuit, ei concopularit  
 „Quis porro Tanti Viri testimonio prudens  
 contradicere ausit?

Peter dein coaevus scriptor ex eodem  
 S. Dionysij Monasterio Religiosus Abbat  
 sui Sugerij vestigia secutus [a] Ludovici VII.  
 Junioris res gestas conscripsit, ubi id ipsum  
 de Guilielmi ad S. Jacobum morbe et Testa-  
 mento clarissime adstruit. [b]

Tertius accedit Teulfus Monasterij  
 Mauriniacensis in Diocesi senonensi Mona-  
 -chus, qui in Chronico sui Monasterij usq, ad  
 Annum d. i. 47 deducto ita habet: [c] Guilielmum  
 „Pictavorum Comitem ad S. Jacobum peregrin-  
 „et profectionem aggressum asperâ infirmitate  
 „et detineri, et usq, ad mortis difficultatem conti-  
 „git perduci. et iterum post pauca: „Ipse  
 „vero Guilielmus rebus humanis exemptus  
 „in eadem Ecclesia B. Jacobi est humulatus.  
 quid clarius unquam?

[a] videtur is esse Odo de Dieglio, cuius meminit  
 Hiacynt. Amal de Graveson sec. 12. fol. 249.

[b] in Vita Ludovici Junioris.

[c] Chron. Mauriniac. lib. 3.

Quartus nostra Sententia irrefragabili  
 Testimonio subscribit Germani Candovi  
 Integerrimus Chronographus Otto Frisingensis  
 Episcopus itidem coaevus, utpote qui  
 Anno 1138. in Episcopum Consecratus, omnia  
 sui temporis gesta solerti industria cupide  
 conquisita iusto volumine posteris transcripsit,  
 hodie dum Eruditis Omnibus sumo in pretio  
 habitus. |a|

Quintum lubet addere Talem Tantumque  
 Virum, qui vel unicus sufficeret assertioni  
 Nostrae ab omni prorsus Dubio sola Authovita-  
 te sua eximenda, Ordericum Vitalem,  
 qui in Normannia Monasterij Vicensis  
 Monachus quinquaginta sex integros annos  
 in Monasterio vivens, omni Eruditionis  
 genere excellens Historiam Ecclesiasticam  
 Scripsit, quam Anno 1142. absolvit; adeoque  
 quarto post obitum Ducis Guilielmi Anno,  
 cuius Verba luce haud minus clara haec sunt |b|  
 „ Anno MCXXXVII. tertia Septimana Martij „  
 „ Stephanus Rex in Normanniam venit. . . . „  
 „ Eodem tempore Guillelmus Pictaviensium „  
 „ Dux memor malorum, qua nuper in Nor- „  
 „ mannia operatus est, poenitentia motus, „

|a| Otto Frising. lib. 7. Chron. c. 21.  
 |b| Ordericus Vital. lib 3. Hist. Eccles.

ad S. Jacobum peregrè profectus est. deinde  
 Feria VI. Parasceve v. Idus Aprilis sacra  
 Communione munitus est, et ante Aram Beati  
 Apostoli venerabiliter defunctus est.  
 Filiam verò suam Ludovico Juveni Fran-  
 corum Regi Coniugem dari præcepit,  
 ipsumq; Regem totius Juris sui heredem  
 constituit. Tali iam Testimonio non est,  
 quod ultra addamus. Possem enim verò,  
 si quidem opus foret, plurimis eiusdem tenoris  
 Testimonijs paginas haud parùm multas  
 excornare; tadij tamen evitandi causâ super-  
 sedeo proposita brevitatatis memor, et  
 citationes duntaxat huc ad calcem appono,  
 curiosiori cuius Lectori indubitatam asser-  
 tionis Nostræ fidem satis superq; indicaturas.

Sunt autem isthæc:

Robertus de monte in supplem. Chron. Sigeberti  
 Annum 1137.

Miræus ex MS. Orteliano.

Vincent. Bellovac. in Specul. Hist. l. 27. c. 13.

Philipp. Labbeus in miscell. Curios. c. 12. §. 17.

Chronie. Gaufredi MS. citat in act. D. Pol. T. 2. F. 442  
 ubi etiam plura MS. Chron. et Tabellaria videti  
 possunt.

Vum: 5<sup>us</sup>: **Tertium** Probandi Genus ab  
 Argumento negativò de promptum, est alium  
 ubiqs. Silentium omnium scriptorum tam  
 coaevorum, quam saeculis proximè subsequen-  
 tibus de Ipso hoc Guilielmo IX. Ultimo  
 Aquitanorum Duce scribentium, quorum  
 ne unicus quidem, imò nec Ipse S. Bernardus  
 post Eum in vita superstes, vitae eius Eremi-  
 ticae, aut Ordinis alicuius Religioni ab Eò  
 instituti, ne uno quidem apice meminit.

Certum omnino est saeculo Christi XII. XIII. et XIV.  
 Neminem inter Scriptores Universos reperiri,  
 qui S. Guilielmum Magnum Eremitam in  
 Tabulo Rhodis demortuum, Gallica Genti  
 attribuere, aut ex Aquitania Ducibus  
 prognatum asserere unquam sit ausus.

Solum ex eipio Theobaldum Episcopum, de quo  
 paulò mox singulatim agendum, adeò, ut fa-  
 bellas omnes saeculo primùm XV. Historia.  
 huic infelici rerum omnium misturà aspersiones  
 fuisse liquido constat ips omnibus, quibus  
 cordi magis est Veritas per Sanctam Cris-  
 tianam, quam ex proprio amore spurie enata  
 caprivianis parentecephalidis per tirax  
 opinio.

Compendiō rem universam ceu Iliadem unā  
 duce concludit Doctissimus Joan: Bollandus,  
 dum ait: [A] 4 Nec Chactentis ullum Aucto-  
 4 rem, de Cuius veritate aliquid certi constat,  
 4 reperire contigit, qui intra trecentos circi-  
 4 ter ab obitu illius [Guilielmi] annos, inbecil-  
 4 lem aliquam aut dubiam objecerit opini-  
 4 nem, ex quā colligi posset, unum Eundemq[ue]  
 4 Virum esse Guilielmum ultimum Ducem Aquitania  
 4 a S. Bernardo conversum, et Sanctum  
 4 Guilielmum Ordinis Guilielmitarum La-  
 4 ventem, qui post Eremiticam vitam in  
 4 stabulo Rhodis apud Rufelanos in Fruria  
 4 sancte vitam X. Februarij defunctus sacro  
 4 in Ecclesia cultu honoratur. Nescio ego,  
 4 num Talis Viri, Cuius stupendi pro Ecclesia  
 4 sancta labores Historici, totius Orbis appro-  
 4 batione celebrantur, Synopticum hoc esset  
 4 ullō rursus colophone illustrari magis possit.  
 4 Decisum igitur omnino manet contra Spi-  
 4 ritionem posteriorib[us] seculis tam varij  
 4 Sursuris centonibus confutam.

Num: <sup>6<sup>tus</sup></sup> Unus interea et unicus stat  
 in adverso Achilles Theobaldus Episcopus,  
 ut aiunt et opinor, Sanctitate et Doctrinā

[A] Bolland. in Act. S. T. 2. §. 6. fol. 493.

conspicuus, quem quidam saeculo XIII. vitam  
 huius sancti Guilielmi Magni Eremitae  
 ad instantiam Provincialium Ordinis ab  
 Priorum exornasse tradunt, in qua Spi-  
 rio illa nobis contraria et hactenus impug-  
 nata expressè tenetur: Abic est ille vir,  
 cuius unius testimonio univetsa inicitur  
 adverse partis opinio. At Ipsemet  
 Theobaldus novam indigeret Criticam  
 indagacione, ut Quis ille? Quando?  
 Ubi usquam fuerit? certo deniq constaret.  
 perplexa sunt omnia et suspecta,  
 plurima etiam aperte conficta; et ea  
 ipsa quae speciem verae narrationis  
 praeserunt, tot tantisq mendis corrup-  
 ta, ut Anti-Chronismi undiq palam  
 promineant. Angelus Manriquez  
 cateroquin Theobaldo addictus, censet  
 tamen per Chronologiam convictus, Eius  
 de S. Guilielmo scripta, Apocrypha, nec  
 vero similia, et Annalibus suis indigna,  
 [a] Sambron Hajus Parisiensis tamen si-  
 a nostra sententia ut plurimum alienus,  
 inevitabili tamen Chronologicae lucis

[a] Manriquez ad anm 1190. c. 4. n. 4. in Anal. Iberic.

acie perstrictus, retortis oculis fatetur  
 demum invitus: „ scripta Theobaldi indocti  
 hominis manu vitiata esse; {a} Certe  
 Solus Godefridus Henschenius Insignis Criti-  
 -cus unò semi-folio à Numero 52, usq; ad n. 54.  
 inclusive duodecim errores inexcusabiles  
 contra omnem Chronologiam aperte pug-  
 nantes Theobaldo ob oculos brudis, et  
 plurimos eretismos totam Historiam intrican-  
 tes manifestat {b} ut mirum subinde sit huius  
 Theobaldi sive veri sive ficti, sequaces  
 ipsa in luce usq; adeò cæcutientes collyri-  
 um ex supputatione Chronica præsen-  
 -tissimum non adscivisse, aut etiam oblatum  
 pertinaciter respuisse. Extra Instituta  
 brevitatis Orbitam excurrendum mihi  
 foret, si ea omnia, quæ Theobaldo fidem  
 Historicam ex integro derogant, per exter-  
 -rum adducere luberet: quia verò Acta  
 Sanctorum sæpius citata abundanter adeò  
 id ipsum ex instituto præstant, idq; Illustre  
 Opus nostræ hac ætate celebri per lausum  
 in plerisq; Bibliothecis obvium sit; hinc

{a} Sambson Hajus in vita S. Guil. pag. 53.

{b} Henscher. in Act. ff. Febr. T. 2. §. 7. Num 49. et seq.

consultum haud duxi obrizo scoviam  
 apprehendere. Sunt porro nonnulli, qui  
 Theobaldum ex integro sternunt. alij con-  
 fictum omnino logosoem, ut qui in rerum  
 natura nunquam exstiterit, rigidiori censurâ  
 iudicant. ego mitius quidem cum viro agen-  
 dum censeo. Doctrinâ et sanctitate con-  
 spicuum, fuisse perlibenter admitto, Eius  
 tamen de S. Guilielmo scripta per fabella-  
 rum quemdam sigulum indoctiori seculo  
 foede fuisse corrupta firmiter credo,  
 qui tamen figmenta sua, sui immemor, tam  
 infeliciter consuit, ut Anti-chronismi pal-  
 pabili proserpionâ undiq; promineant.  
 Id deniq; constanter edico: Vitam sancti  
 Guilielmi à Theobaldo scriptam, aut omnes  
 prioris ævi scriptores latuisse omnino,  
 aut si qui ante surium scriptores noverunt,  
 dignam tamen ex qua sua describerent,  
 haud iudicasse.

Vum: <sup>timus.</sup> His tamen omnibus  
 non obstantibus, quod opido mirandum!



opposita illa opinio, quã plures Guili-  
 elmi unus idemq; censebatur, adeo vulgo  
 invaluit, ut videantur aliter sentientes,  
 si non impie, temerarie saltem de sanctis  
 loqui, id quod etiam mihi haud semel  
 ab aliquibus obiectum. sed prospiciant  
 hi tales potius sibi, ne, dum propositã  
 pietate dicam an imperitã credulitate  
 veritati obnituntur, sanctos offendant  
 magis, quã fictitio cultu dilaudent.

Primus omnium Joannes Haius ex  
 ordine S. Guilielmi Religiosus Parisiensis,  
 si minus ipse Theobaldi corruptor | hoc  
 equidem pro firmo statuere non ausim |  
 primum saltem duxit omnium confuse  
 adeo isthanc Historiam intricantium, nactus  
 permagnò intenti sui incrementò, Virum  
 celebris in Ecclesia Authoritatis sue opi-  
 -nionis assertorem Laurentium Surium,  
 qui ubi Theobaldi chartas perlegit, post-  
 -habitã mox omni Criticã indagine, pro  
 solitã suã in conscribendis sanctorum Actis  
 industriã, credulus magis quã perspicax,  
 vitam S. Guilielmi à se compilatam in orden

sparsit Anno 1574, innocenti suo errore  
 omnes post se eiusdem Argumenti descripto-  
 res ob sui Nominis Famam perfacili impendio  
 imbuens. Neq; iniurius sum in balem tan-  
 tumq; virum talia audacter adeo edicen-  
 do: non enim infrequens est Eruditorum  
 plerorumq; censura, suri quidem immortalia  
 in Ecclesiam merita ob indefessam Acta  
 undiq; improbo labore conquirendi industri-  
 am dilaudantium, risin nihilominus in  
 eo viro plerumq; desiderantium, adeo,  
 ut vix non pro procardio audiatur passim:  
 "surius criticus non fuit,"  
 protactarticus deinde hic error adeo  
 successu temporis increvit, ut quicumq;  
 post surium eadem Acta aut integra, aut  
 in varia compendia contracta successu  
 temporis ediderunt, aut in alia Nationum  
 Idioma transulerunt, in eandem pleriq;  
 sententiam pedibus totis abierint. ut ad  
 badium usq; prolixus fierem, si omnes,  
 eorq; omnium ferme Ordinum scriptores  
 citatis nominibus huc adducere luberet:  
 quemadmodum enim herba se spargit in  
 aristas, ita <sup>ubi</sup> opinio in orbis terre memoriam

disseminata radices fixis, increfcit continuo  
ut est fecundissima plerumq; loly fatuiq;  
frumenti propago.

¶ Adducuntur critica Quorundam  
posterioris Aevi Eruditorum  
virorum censura.

¶ Ne quis presentis Commentarij parum  
aequus aestimator, nimium me forsar fidei  
Uni Henschenio Eiusq; compari Joanni  
Bollando attribuisse obycere mihi unquam  
ex merito possis; quasi Actis sanctorum  
ab iisdem conscriptis unice intentus, à via  
pristinà devius in hanc alteram partem  
facilis adeò declinaverim; Faxo iam, ut  
quicumq; talis probe agnoscat, haud per-  
functorie aut praecipitem rem me meam  
egisse. Authores profecto omnes, quos-  
cumq; ad manus quidem habere potui, ex Co-  
piosa praesertim Bibliotheca San. Blasiana  
multà industrià conquisitos ipsemet inspexi  
accuratà acie, atq; non obiter tantum, sed  
integro studio exanimavi, quotquot de pra-  
senti negotio retractantes reperire

4751

quò id licuit, tempore potui. Horum  
ego sententias in adversaria mea reposi-  
tas huc fideliter adduco.

Vum: i<sup>mus</sup> Jure haud imerito omni-  
um ego primum statuo Historio-graphum  
sacrum toto Orbe celebrem Cesarem Bato-  
nium Obitum Guilielmi IX. Aquitaniae  
Ducis Ultimi ad annum 1136. quò revera  
contigit, recensentem. Baronij Annales  
XII. Tomis praegrandibus contentos in Epi-  
tomen redegit celeberrimus Henr. Spondanus  
Presbyter Romanus, ipso annuente Emi-  
nentissimo. Authore adhuc vivente,  
cuius verba ad litteram ita sonant: | a |  
Quod vero Sugerius ait, paulò ante Ludovici  
Rasi mortem, cum iam gravissimè aegrotaret,  
venisse ad eum Legatos Willelmi Ducis Aqui-  
taniae, denuntiantes eundem Ducem sus-  
ceptà ad S. Jacobum peregrinatione,  
in via decessisse. Sed antequam iter aggrede-  
retur, atq; etiam in itinere in ipso transitu,  
filiam suam Eleonoram Regis filio depron-  
tiam, totamq; Aquitaniam et Pictavi-  
am eidem retinendam deliberasse, et

(1) Annal. Baronij ad annum 1136. Epitome Spondani  
ad an. 1136. Typis Regijs. 1618. fol. 907.

declarasse / qua de re exstat etiam adhuc  
 Eiusdem Willelmi Ducis scriptum, ultimum  
 sua voluntatis elogium / valde mirum est,  
 quomodo cum Iugerius cum hic tum in vita  
 Ludovici filij diserte asserat Willhelmum  
 in hac peregrinatione Hispanica defun-  
 ctum esse, idq; ipsum affirmet Robertus  
 his temporibus proximus Author; tamen  
 alij Recentiores scriptores dicant, eum  
 post hac diu in Tuscia multumq; super-  
 vixisse, atq; Eremiticam vitam duxisse  
 in Tuscia, ibiq; Sancto sine quiescere.  
 sunt ex ijs nonnulli, qui affirmant eundem  
 nequaquam revera mortuum esse in  
 Hispania, sed ita cum precipuo suorum  
 Domesticorum rem esse transactam, ut per  
 Fictionem eam de causa mortuus esse dice-  
 retur, quò liber ab hoc mundo posset quo-  
 cumq; vellet peregrinari. Huncq;  
 illum esse Willhelmum, qui in Tuscia  
 Sancto sine quiescit apud locum dictu  
 Tabulum Rhodis, qui hodie dicitur Ma-  
 lavallis in agro Senensi. Vulgata est Histo-  
 ria ista, sed qua nodos patitur inso-  
 lubiles. Nam praeter illa, quae ex Iugerio  
 et Roberto recensuimus, quomodo, qua

alij narrans, potuit ignorasse Theobaldus  
 Episcopus, qui et primordia Conversionis,  
 Wilhelmi se accepisse testatur ab Eius Dis,  
 cipulo, et tamen nullum verbum habet  
 de simulatione mortis. [A] quò namq[ue]  
 modo, si post hæc tempora ut habent Eius  
 acta, reportus à Suis in Palaestina vitam  
 Eremiticam agere, revocatus est in Occi-  
 dentem, cum res tanta, mundog[ue] tam  
 admirabilis in tanto Viro digna fuerit  
 mille scriptoribus. [B] tamen nullus  
 huius seculi reperitur, qui Eius  
 meminere? ac rursus si vivebat,  
 et reversus erat in Occidentem, quomodo  
 protermisus ut mortuus ab eius tem-  
 poris scriptoribus haud indiligentibus,  
 cum gravissima illa causa verteretur,  
 de ipsius filia repudiatione facta à Lu-  
 dovico Francorum Rege?

Post hæc demum Spondanus egregius Baro,  
 cui Epitomista in sequentia verba pronun-  
 tiandò desinit, quæ unò compendiò id om-  
 nē comprehendunt, quæ nos totò comen-

[A.] relegi poterunt, quæ supra de Sucheti sigmento  
 relata sunt.

ratio fusius deduximus: ait enim: (B)  
 „Hac et alia sunt, quibus reddor vehe-  
 „menter suspensus de huiusmodi Histo-  
 „ria veritate, dubitans, ne plures Willel-  
 „mi sicut de alijs Sanctis accidit per  
 „errorem in unum conflati sint à Recen-  
 „tioribus Authoribus.

Lucundum profectò mihi accidit, in  
 hoc pondani Testimonium quasi per  
 otium incidisse, eo namq; plurima, qua  
 hinc inde Narrim retulimus, egregie con-  
 firmantur, & quàm procul ab omni  
 temeraria Novitatis notâ sint assera  
 nostra, satis abundè fit notum.

Num: <sup>2<sup>us</sup></sup> Alter in occursum sen-  
 tentia Nostra venit elimatissimè erudi-  
 tionis Vir Ignatius Hyacinthus Amat  
 de Graveson Natione Gallus Recentissimus  
 Historiæ Ecclesiasticæ scriptor ex  
 Illustri Ordine sancti Dominici Doctor  
 Sorbonicus, Collegij Casanatensis sanctæ  
 Mariae super Minervam in Urbe Româ

Theologus, qui nostrā hāc aetate Anno  
 videlicet 1717. Opus edidit edrō dignum,  
 atq; Orbi literato probatissimum, quod  
 Typis primō Romanis prodierit, Anno  
 dein 1723. prolo Venetō recusum, tertiā  
 exin Editione Augusta Vindelicorum et  
 Graecij publici Juris factum, quartō deniq;  
 ob Doctrinae praestantiam nuper Anno 1737.  
 iterum Venetijs sub prolo sudavit, comuni  
 ubivis Eruditorum omnium applausu  
 celebratum. Ex hoc igitur Opere  
 à capite ad calcem attentō studio per me  
 multā cum voluntate reflecto, sequentia  
 in rem nostram exseribo verba: [A], Porro  
 non abs re fuerit hīc observare, sanctum  
 Guillelmum Horum Eremitarum Instituta-  
 torem reperam à nonnullis confundi  
 cum Guillelmo IX. Aquitaniae et Pictonum  
 Duce [B] cum tamen ab eo fuerit omnino  
 diversus. Guillelmus siquidem Aquitaniae  
 et Pictonum Dux mortuus est in suā  
 peregrinatione ad S. Jacobum, quam  
 Anno MCXXXVII. penitentia motus  
 suscepserat teste Orderico libro XIII.

[A] Hiacyth. Grægon Tom. 5. Colog. 6. mihisid. 135.  
 Edit. August.



Historia. Guillelmus verò Eremitarum  
 Institutore, Consilio Eugenij Pape III. Hiero-  
 solymam profectus est, et celesti voce moni-  
 tus venit in Tusciam, ubi sanctè vixit,  
 et obiit Anno Millesimo Centesimo quinqu-  
 gesimo septimo, ut testatur Albertus Eius  
 Discipulus, qui vitam S. Guillelmi Eremita  
 Cogromenti Magni scripsit. " Ecce  
 tibi iterum sententia Nostræ asertorem  
 Egregium, et Virum quidem Gallicæ Genti  
 totò sanguine concretum, qui utiq; sanctum  
 tam celebris Instituti Authorem Nationi  
 suæ subtraxisset minime, ni perspectæ  
 Veritatis vis immortalis Patriæ blandum  
 amorem multis parasangis superasset.

Num: 3<sup>us</sup>. Tertius è Societate Jesu  
 Testis accedit Historiographus Magni  
 Nominis Philipus Brietius Abbavilleus  
 itidem Gallus, qui Chronicon Universale  
 ab Orbe condito usq; ad Annum MDCXCII.  
 feliciter perduxit, admirabili tam dictionis  
 amaritate, quam Serum omnium abundan-  
 tiâ, mirâ arte in succinctas adeo periodos

compactâ, plurimum suspiciendus.

Hic igitur, postquam Guillelmum Aquitania Ducem à Schismate Petri Leonis sive Anacleti Pseudo Pontificis ad partes Innocentij Veri Christi Vicarij transire recusantem, à S. Bernardo orantato Christi Corpore divinitus territum, quasi epilepticum prostratum in terram, succinctâ, promote, narratione perstrinxit, ad Annum dein 1136. recedere in rem nostram porro pergit per hæc verba: [a] Est quidem hic Annus morte Guillelmi Aquitania Ducis memorabilis, qui susceptâ ad S. Jacobum in Hispaniam peregrinatione, mortuus est in via, reliquitq; filiam Eleonoram ac totam ditionem suam Genero suo Regi Francorum. Ita scriptores huic obnoxio. Quare deridendi, qui Eum in Tusciam, ad stabulum Rhodis [hodie Malval in agro Senensi] armatum lorica atq; penitentem deducunt. Quomodo enim id ignorare potuit Theobaldus Episcopus, qui asseruit primordia Eius Conversionis ab Eius discipulo didicisse, qui tamen de hac re

[a] Briccius in Anal. mundi seculo 52. Hiis. 12. Decade 4. miki fol. 641. Edid. August.

ne vō quidem? Quomodo non providit  
 in multibus excitatis à filia? Sed cum  
 alio Guillelmo Viro sancto [13] à semi-eruditis  
 confusus, uberem Viris Doctis disputandi  
 materiam suscepit, hucusq; Brietius.

Testimonio adeo Illustri et perlucido para-  
 phrasin ullam apponere superfluum  
 proxius cetero.

Signanter nihilominus unum hoc adverte-  
 dum hic ansevero, ne cui scrupulum moveat,  
 quod Brietius et plures alij scriptores  
 obitum Guillelmi ad Annum 1136. statuant,  
 cum tamen pleriq; alij Eundem Anno 1137.  
 satis cessisse communiter asserant. Utriq;  
 in se conveniunt, in computo tantum  
 anni apud varias gentes vario discre-  
 pantes. Solemne siquidem Gallis tum fuit,  
 et etiamnum in Contractibus præsertim,  
 et fori negotijs est, Ephemerides et Anorum  
 initia et decursus à Paschate inchoare et  
 deinceps dimetiri. [a] quemadmodum etiam  
 Angli et Brittanni Anorum primordia  
 à die 25. Martij supputare consueverunt. [b]  
 um igitur Pascha Domini nunquam in eodem  
 die aut mense etiam non semper eodem  
 celebrari contingat, necessum omnino est

[a] Acta sanctorum, Holandi 10. fol. parte 2. cap. 6.  
 in anotal. litt. 8.

[b] Hainbysur des waltgoffis ad annum 1623.

in tali supputatione Acta quoque quamplu-  
rima sub initium aut finem cuiusque anni  
contingentia pro Gentis more modo huic modo  
alteri Anno adscribere.

Num: <sup>ius</sup> 4. Ingenti etiam Auctoritate  
pro Nostra Sententia stat. Rev. Abbas  
Lenonensis Augustinus (almet Beredicti-  
ni Ordinis Sydus præfulgidum, de quo Iure-  
merito idem ego iusti honoris causâ pronun-  
tio, quod de Doctissimo Joanne Mabillonio  
Abiacynthus de Graveſon Doctor Parisi-  
ensis mox Num: 2. laudatus: [A] „ sacre anti-  
quitatis bono natum esse Calmetum Nostrum  
Vir porro hic Doctissimus id ipsum nobis-  
cum sentit, quod omnes iam præsentis ævi  
expolitoris, scriptores. In abbrevi-  
atione sua Historica et Chronologica  
Universæ Historiæ tum sacre tum profane  
utrumque Guillelmum, Aquitaniæ nimirum  
Ducem à S. Bernardo à schismate reductum,  
et Alberum Malavallensem Duos Viros  
Patria, ætate, et toto homine diversos  
adducit. Titulus libri typis Marticensibus

[A] Graveſon in Prefat. Hist. Euler.

editi Anno 1729. est: „Abrege Chronologique  
 „del' Histoire sacree et profane de  
 „puis le commencement du Monde, jusqu'à nos  
 „jours. Ad annum 1135. de Guillelmo  
 Duce hæc pronuntiat: „S. Bernaro persuade  
 „à Guillaume Duc d'Aquitaine de reco  
 „noître le Pape Innocent II. Ad annum  
 deinde 1156. de Duce Aquitanie usque  
 iam lustris quatuor ante demortuo altum  
 Silens, Virum prorsus alterum inducit  
 Sacri Guilmitarum Ordinis Institutorem:  
 „Fondation de l'ordre des Guilmites,  
 „par S. Guillaume de Malval. Item in  
 Tabula Chronologica disparatè de duobus  
 hisce intermixtis Guilmis hæc habet:  
 „Guilliaume Duc Aquitaine reconoit pour  
 „Pape legitime Innocent II en 1135. Et mox  
 ad annum 1156. „S. Guilliaume de Malval  
 „institue l'ordre des Guilmites en 1156.  
 Ecce iterum! Quantum Gallia ex  
 -trema Hispaniarum Provincia distat  
 à Tuscia, tantum Guillelmus Dux difert  
 à S. Guillelmo Eremita.

Num: 5.<sup>us</sup> His deniq; tantisq; Testibus  
 adiungo Joannem Bestium, qui Res omnes  
 Aquitania, atq; Pictorum Gesta intimè  
 rinatus, ex ipsis Provinciaram Actis  
 et Archivorum Authenticis Chartis  
 ipse Pictarus Historiam scripsit Comitum  
 Pictaviensium, et Ducum Aquitania,  
 ubi [a] liciviò paulò acriori defricat Joannem  
 Haium, eumq; ceu primum fabulose illius  
 S. Guilielmi in Ducem Aquitania metha-  
 morphoseos plasticatorem severissimè  
 depexit integro Tractatu quem ex insubito  
 scripsit [b] de mendacijs, falsitatibus et  
 Anti-chronismis insperis Eiusdem Joannis  
 Haij Operibus, qui idem seculò præteritò  
 Commentarium Historicum edidit, in quò  
 falsam illam opinionem, quæ duos Guilielmos  
 in unum confundit, pluribus exponit.  
 His ergo Illustrum huius Temporis viro-  
 rum Testimonijs sententiam hanc nostram  
 asseruisse sufficiat. sunt enim hi viri qui  
 in præclaro Critices studio, et perscrutan-  
 dis Ecclesie Catholice scriptoribus  
 ita hactenus insudârunt, ut iam nul-  
 lum penè sit neq; tam obvium neq;

[a] Bestius in Hist. Comit. Pict. et Ducum Aquit. p. 2.  
 integro Tractatu.  
 [b] Hiacynth. Gravson in Hist. Eccles. sæcul. XIII. Colop. 6.

Jam reconditum antiquorum monumento-  
 rum genus, quod iustis Criticae Artis pon-  
 deribus, ore Graversonij loquor, non lib-  
 rarint, non graviter examinaverint [a].  
 Neque moror quosdam rerum haud satis  
 aequos aestimatores, qui Criticis huius aevi  
 imprudenter succensentes in fictis narra-  
 tiunculis haerere adhuc pergunt, et  
 credulo suo genio simpliciter indulgen-  
 tes Veritati per labores Criticos praeti-  
 ose adeo eruta modicus obstitentur,  
 digni qui Tullianam ferulam vapulent,  
 veluti qui perverse post inventas fruges  
 glande vesci perseverant. Fortium  
 Dominam haud immerito Critice appello,  
 ut pote quae tam ardentem in studium  
 Sacrae Antiquitatis incumbit, ut inter  
 liberales huius saeculi Disciplinas, haec  
 praeter ceteris iam dominetur, et barba-  
 ras ignorantiae tenebras ex alto despi-  
 cians pristinum literariae palaestrae  
 nitorem postliminio demum restituat.  
 Singulari Dei providentis Gratia factum  
 ut per necessario Ciseos adminiculò  
 agonizanti propemodum Historica  
 Veritati, Ecclesiasticae propinquis,  
 [a]. Amat de Graveyson in Praefat. in Hist. Eccles.

Succursum supremè tandem fuerit.  
 Nemo Eruditus ibit inficiàs, qui quidem  
 seculi xv. et xvi. ignorantissimas tricas  
 apinasq; vel primo intuitu dimetiri  
 ceperit, palæstram omnem litterari-  
 am contagione quâdam ita deforma-  
 tam verbis, ita rebus infuscabatam,  
 succo et sanguine ita decolorabatam  
 fuisse, ut in frigidis, insulsis, confictisq;  
 plerumq; studijs contabuerit. [a]

Sed nunc [quod ætati nostræ impense gratu-  
 temur] purior demum atq; defæcator  
 meliori sydere à barbarie respirans  
 produit Dea. Minerva per Jolius prope-  
 modum critica Artis adiumenta,  
 quippe quæ in disserendi subtilitate  
 ita versari quidem amat, ut simul ad  
 eruditæ vetustatis speciem expressa,  
 ad optimorum Authorum normam,  
 ad Historiæ, et Disciplinæ Ecclesiasti-  
 cæ Veritatem exacta, universæ Eru-  
 ditionis thesauros in omnes cultarum  
 gentium scholas liberaliter efundat.  
 Hæc paulò fusius cum Carissimo

[a] Graveson in initio præfat. in Hist. Eccl. Joannes Trithem.  
 et passim omnes.



Gravesonio, et proximis cum Illustribus  
 Nostri Congreg. S. Mauri P. Benedictinis  
 in laudem Critices perorare libuit, quò  
 vel ipsam Criticorum Nomenclaturam  
 imperitis plerisque excosam esse atq; sus-  
 pectam expertus pernoctam.

Missa igitur cum Ducibus suis Aquitania  
 exeuntes à Gallia comigremus omine  
 magis laudato in Tusciam, Verum inibi  
 et à fabulis omnibus emaculatum  
 investigaturi Guilielmum Virum solum  
 sanctum, sanctiq; Ordinis Institutorem.  
 Exhibebimus eum per Epitomen pauca-  
 lis effigiatum lineis, quas tuto deinceps  
 Viro sancto adscribere licebit.

Viri quivis Eruditi Criticà huius ævi  
 Arte imbuti vel mediocriter, ubi Iconi  
 cuidam Huius Nostri S. Guilielmi oculos  
 adiecerint, cui Magnificus Aquitania  
 Ducis Titulus in calce appositus, aut  
 in fronte prefixus fuerit, prætere-  
 runt continuo moventes capita sua,  
 et abnuent: annuent porro consen-  
 sientibus ocellis, ubi subscriptam lege-  
 rint Epigraphen, quam sequens exhibet.

Simus

S. Guilielmus (1) Magnus  
 (2) de Malval Eremita Tuscius,  
 (3) Vir prodigiosa Sanctitatis,  
 (4) Annō i 202. ab Innocentio III.  
 Papa Cathalago S. <sup>orum</sup> adscriptus,  
 (5) Instituit Ordinem Guilielmit:  
 ab Innocentio IV. Annō i 250.  
 sub Regulâ S. Bened: confirmatum.  
 (6) Obiit in stabulo Rhodis A. 1157.  
 Quarto Idus Februarij.

Num: i. <sup>mus</sup>  
 Unâ hâc Epigraphe fidem  
 in Fronte opusculi datam integre  
 exsolvi. Historiam S. Guilielmi  
 commentario critico ab Anti-chronismis  
 me emaculaturum propondi. Feci hoc,  
 superabundanti Testimoniorum  
 pondere rem firmiter statuminavi, ne  
 ullis explosa Opinionis contraria ventis

perflari porro per timescat.  
 Opinibus ex proprio procreatis  
 cerebellò me daturum nihil in limine  
 promisi. Teci et hoc, Nomen utriusq;  
 meum fideliter expunxi. Instituti  
 porro presentis non est Novam sancti  
 Guilielmi Historiam exornare, eamq; per  
 omnes sui partes iustò rerum gestarum  
 atq; Miraculorum ordine in longiores  
 Strophas protendere. Non enim Holo-  
 graphi Spartam in me unquam suscepi;  
 tametsi haud difficili impendio me id  
 facturum considerem, si quid id opus  
 foret, aut opera pretium. multò namq;  
 facilius est, novam ex integro bono semine  
 inspergere Aream, quam in hortulò sylves-  
 centi lolia quavis sparsim evellere.  
 Ut tunc tenue reputetur vilidense hoc opus-  
 culum, plus tamen decuplo maius exegit  
 studium, et plurimorum Authorum lectione  
 opido intricatam, quam plana deinceps  
 evulsis omnibus spinis Rosarum collectio.  
 Nunquam quidem eo temeritatis probrarum  
 me existimari vellem, ut universam illam

de S. Guilielmo Historiam ex integro abijci-  
endam duxerim: ea dumtaxat, quæ contra  
Chronologiam pugnantia veteri Traditioni,  
præposterâ pietate, aut infamata duorum  
seculorum ignorantia perperam afficta  
sunt: postliminio eliminare decrevi; quod  
quidem, ea, quæ Viri Doctissimi ante me iam  
sparsim limatiori censura castigauerunt,  
in paucula hæc colligendò folia, præstitisse  
me haud inani confidentiâ mihi adblandior.  
Ne tamen ieiunâ nimis coronide desinam,  
presentis paragraphi Rubricam paulò  
protensiori apothepariâ deducere placuit.

Num: <sup>2<sup>us</sup></sup> L.

Ea tantum, quæ de Duce  
Aquitaniæ, qualiacunq, demum, dolendâ  
rerum confusione, à Joanne Hajo primùm,  
et suis deinde sequacibus imperitè con-  
ficta, et simpliciori exin levitate descripta  
sunt, expuncta volo. Cætera dein omnia,  
si modo cum Chronologia non pugnent,  
et supputationi ad risin exactæ haud  
contradicant lubens admitto. Neq, est cur

non admitterem, cum tam Insignis sancti  
 dudum in specialem Patronum adlecti  
 elogia non tantum haud diminuta velim,  
 Sed quantum quidem Veritas, quã sola san-  
 -ctorum Cultus legitime devotioni nostræ  
 Succollare debet, inviolata concedit, pro-  
 palare ea pro vivibus, et universorum  
 animis inspersa, perpetuis velut marmo-  
 ribus insculpta, totã mente percipiam.  
 Nullam vero securiori viã incedendi motu,  
 dum aptius monstravero seclusis errandi  
 periculis. Guilielmum Magnum videndi  
 sicuti est, quã Lectorem quemlibet ad  
 Acta Sanctorum Bollandi accuratã lance  
 perpendenda remittendõ. Ibi enim per pa-  
 -ginas haud parum multas vera à  
 falsis discreta licebit inspicere. In  
 duas siquidem partes distinxerunt Viri  
 illi ad stuporem laboribus Doctis imersi  
 Joannes Bollandus et compar illius so-  
 -cius Godefridus Henschenius, quarum  
 prima intricatissimos nodos Chronologi-  
 cos explicare quidem Saragunt, haud tamen

in fine scum veniã tantorum virorum dixeris  
 quidquam per sententiam eruntiative sta-  
 tuunt, non alias forsã, nisi unõ ictũ  
 alexandreo dissecandam sabellarum struem  
 reputantes. Alterã tamen parte à fol.  
 462. usq; ad 472. certa magis et sincera  
 novem capitibus ab oculis ponunt, ubi  
 apparatus satis superq; presentem  
 inveniet, quicunq; demum novam aliquan-  
 do s. Guilielmi Historiam à mendis ex-  
 purgatam publici juris facere statuerit.  
 sunt enim lapides iam expoliti cœmentõ  
 viticõ probè cocti, ut nihil porro desi-  
 deretur amplius, quàm rite eos dispone-  
 re, et arte Phegoricã confabulatos  
 in Magnificam erigere structuram.

Num: 3<sup>tius</sup>  
 Exhibet Pubrica presentis  
 paragraphi Epigraphicũ paradigma,  
 in quo ea omnia, quæ porro in rem nostram  
 dicenda sunt, synopticè continentur.  
 Ne tamen ulla ex parte manca sit fidei  
 semel data iusta exolutio, singulas præfixi  
 Tituli hypotheses dilucidã explicati-  
 one, quantum satis deducemus.

(1) S. Guilielmum Magni Cognomen multis  
iam retro saeculis in Ecclesia passim prome-  
ritum, Scriptores tum Antiqui, tum  
Recentiores comuni omnes suffragantur usu.

(2) De Malval Eremita Tuscus laudatur,  
à loco nimirum, ubi Vir sanctus Domicilium  
ultimis suae vitae temporibus fixit, in Sabu-  
lo Rhodis, quod hodie mala vallis nuncu-  
patur in Agro senensi Tusca Provin-  
cia, ubi etiam obiit à Beato Alberto  
Discipulo in hortulo tumulatus [a]

(3) Vir prodigiosa sanctitatis meritissimo  
nuncupatur Jure, ob prodigiosam mira-  
culorum multitudinem, tum arte tum post  
sanctam mortem patratorum, propter  
quae etiam Magnificum illud Magni  
Cognomen accepit, nimirum Magnificus Illius  
Egyptij Eremitarum Patriarchae Antonij  
Magni amulus, Dignus etiam frequenti  
Angelorum consortio, atq; ipsius Angelo-  
rum Reginae DEI. Nostri Virginis Matris  
sacratissimo asatu

(4) Apothecosin etiam S. Guilielmi ad  
Annum 1202. statutam, à nemine hactenus

[a] Acta S. Febr. parte 2. cap. 3. n. ii.

95.  
impugnatum comperi, estq; firma scripto-  
rum eademq; constans. Assertio eam Papa  
Innocentio III. adscribentium, quorum Autho-  
ritas irrefragabili Testimonio iteratis  
vicibus allegatur in Actis sanctorum  
saepè citatis.

(5) Id vero quod de Ordine Ipsius  
Sub Regula S. Benedicti ab Innocentio IV.  
Anno 1250. confirmatò in Epigraphe  
Nostrâ signanter adstruximus mox  
sequenti paragrapho singulari in da-  
gine firmum certumq; Diplomaticâ  
demonstratione facienus cluere,  
ubi etiam Religionis ex Ordine Eremiti-  
tarum S. Augustini Viris mihi semper  
perpetuâ veneratione suscipiendis ami-  
cissimâ Disputata inter nos Thesis  
explanatione satisfacturum me indu-  
bitatâ confidentiâ iterum adpromitto,  
eo magis, quo certò pernoscam, sanctissimum  
Augustinianorum Ordinem certissimâ atq;  
indubitatâ Gloria adeo superabundare,  
orbisq; Christiano inclarescere, ut adscititiâ  
confectaq; minime indigeat. Erit etiam  
ocasio, hoc ipso paragrapho finali



ea omnia per Transennam inspergendi,  
quæ hinc inde forsan inferenda possent  
desiderari.

**S** Characteristicus  
 (1) Ordinis S. Guilielmi  
 Primariâ Institutione  
 (2) Confirmatione, (3) et  
 Regula.

Intricata satis est et oppido spinosa  
 presentis Pubrica discussio. Tricas  
 tamen quia non amo, iurgia quævis na-  
 ribus pedibusq; submovendo, in viâ ve-  
 ritatis Germano candore undiq; tutus  
 in pace procedo. Non otia infirmi Re-  
 ligioni forent innocua, si vano post  
 recuperatam sanitatem ardore, dentes  
 ei in litigia mordaciter prurirent.  
 Memor Instituti, cui Veritas sola pro  
 Symbolicâ Tessera præfixa manet, in  
 agnita Veritatis sacris semitis pergo  
 insistere. Aliunde, ubi de Sanctis suis

Sacri Disputant Ordines, se sanctosq;  
 profanant magis, quam vultus eorum  
 Majestatem promovent, si non sola eos  
 animet artibus omnibus in se Veritas,  
 Veritativè per fabulas abstracta iusta  
 defensio. Malo ego in hoc passu simplici-  
 ter candidus, quam eruditus audire:  
 prioris mihi vocabulum ex averta indo-  
 le debetur, posterioris haud ambio.

Num i<sup>mus</sup>  
 (i) Institutio prima sacri  
 Ordinis Guilielmitarum s. Guilielmo  
 Magno Premitte Stabuli Rhodis Jure  
 Originis procul omni ambiguitate  
 est attribuenda. Nullam quamvis Vir  
 Sanctus expressâ litterâ in vivis consti-  
 tutus Novi Ordinis præscripserit  
 Regulam, Vitæ tamen Ipsius Norma,  
 prodigiosa sanctitas, et Miracula  
 penè sine numero, plus marmore Ordi-  
 ni sacro indelēbilen impregnāunt  
 Characterem. Abine bene, et citrà  
 disceptandi occasionem secure pronun-  
 tiamus cum Doctissimo Arthusiano

Wernero Golewinckio [a] Ordinem Gu-  
ielmitarum à s. Guilielmo Nomen  
et Originem Traxisse, sed à Discipu-  
lo eius Alberto fuisse educatum;  
iniunctâ nimirum posteris institutione  
et Normâ vivendi, à se in sancto suo  
Magistro observatâ.

Aliquanto quidem tempore [b] Vir  
sanctus à quibusdam Religiosis apud  
Lisanos sylvam Livalliam inhabitantibus  
in sui societatem precibus illectus vixit.  
Successu vero temporis accidit illi, quod  
olim sanctissimo Adlescenti Nursiati Be-  
nedicto, fretus nimirum, et ob discretan-  
tiam morum inquieta aliquorum [c] vexa-  
tione continuo turbatus, ceu censor im-  
portunus, desperatâ fugam mense,  
avulsus est sponte ab eis, ad montem qui  
de Bruno dicitur se conferens, ubi solus  
habitavit secum, unius tantum socij con-  
tentus solamine Petri cuiusdam, qui et  
ipse postea aliquorum ibi Congregatorum  
Eremitarum Prior evasit.

Anno dein 1157 qui ultimus sanctæ  
Ipsius vitæ fuit, inde emigrans venit in  
Tusciam hodiernam malam vallem, sum

[a] Wern. Golewinck in Gasie. Temporum hic

[b] Henrichen in Actis B. J. 2. fol. 472

[c] Proprium Ord. Erem. s. August.

[d] Quinam illi fuerint aperere temerarium est.

99.  
Stabulum Rhodis appellatam, ubi solum  
denuo et unicum nactus Vita soci-  
um et sanctitatis amulum Albertum  
Individuum ad manes usq; Achaten,  
omine et eventu perquam sospite, habuit.  
Tatis postea brevi temporis intervallō  
sanctissime sanctus Guilielmus Vivam  
post se reliquit Vita suae Regulam,  
et exactum suimet Ethymon Albertum,  
cui se mox sicut ipse sanctus Liber fore  
praedixerat. Vir quidam Inignis. Me-  
dicus provice salutis et aeternae sospi-  
tatis percupidus Peginaldus sese adiun-  
xit, quō utroq; ad morem Elisaei  
sideliter vestigijs in celum rapti Patris  
insistente, revixit Elia. Guilielmi  
spiritus duplex, in omnes dein sub-  
sequentium Filiorum felices Animas  
solenore superis ipsis pretiosō deti-  
vatus. [a] Haec quidem libem ullam  
motura haud pertimesco, delicata  
magis sunt, quae mox sequuntur.

Num: <sup>2<sup>us</sup></sup> Congregatis in sancti-  
oris Vita societatem viris paulatin

[a] Confirmant haec omnia ipse Albertus, et ex Eo  
Theobaldus in Vita, quam secunda sui parte  
veram et sinceram agnoscunt et citant Acta  
Sanctorum Febr. Tom. 2. pag. 462. et seq.

pluribus, Albertus cum Reginaldo  
 sub proprio instituto ad norman, ut  
 diximus, Vita Virtutumq; Guilielmi,  
 Annis perquam multis sub Eremitatum  
 Nomine Deo magnò sanctitatis incremen-  
 -tò fideliter deservierunt; donec Bo-  
 -nus Virtutum odor per vicinam Pru-  
 -ciam, aliasq; finitimas Italiae Pro-  
 -vincias undiq; diffusus, accedente  
 plerimorum Miraculorum per sancti  
 Guilielmi Merita et Invocationem  
 Patratorum famà, per Germaniam  
 quoq; Hungariam, Belgium, atq;  
 Galliam [a] Saeculò potissimum Decimò  
 tertio, longè lateq; diffusus Orbi mag-  
 -nificè inclaruit. Incrementum siquidem  
 Novo Ordini ingens accessit per solem-  
 -nem illam Apotheosin, quã Canonico  
 ritu sanctum Confessorem Guilielmum  
 ab Innocentio III. Pont. Max. Año 1202.  
 Sanctorum Catalogo adscriptum supra  
 retulimus. In duas deinde Congre-  
 -gationes Ordo ingenti iam numero

[a] advertimus nullum s. Guil. Monasterium  
 unquam fuisse, nec esse in Aquitania.

[b] Annal. P.P. Dominicanor. Olmarens. in Alsatia  
 ad An. 1232.

102  
auctus, divisus est, quarum Prima  
Caput fuit Monasterium Sabuli Iho-  
dis à B. Alberto exstructum: Secunda  
autem Eremitus de Sabali monte.

Nondum hucusq; sub certa Regula  
à sede Apostolicâ approbatâ milita-  
vit iste Eremitarum ordo s. Guil:

(2) confirmatum est nihilominus Con-  
gregationis de Sabali Monte Guiliel-  
mitarum Institutum Anno MCCXXIV.

ab Honorio III. Pont: cuius Bulla ad  
Priorem et Fratres Eremitas data  
est Tibute VII. Idus Maij, qua incipit:

„Solet annuere“ ubi etiam mentio  
est Regulae ipsius praescriptae per haec  
verba: „Statuentes ut Regula B. Guiliel-  
mi, secundum quam, ut dicitis, Domino  
cupitis samulari, ibi perpetuis tempo-  
ribus observetur.“ Ubi et hoc haud  
dubie notandum venit iam tum temporis  
Sabalem Montem Patrocinio s. Benedicti  
Illustrem Eiusdem sanctissimi Patris  
Speciali cultui fuisse consecratum:

inscribitur enim Bulla mox laudata  
expresse ad Fratres Eremitas sancti  
Benedicti de Monte Sabali.

Vum: <sup>tius</sup> 3<sup>o</sup> Saeculo XIII. Quinq; Eremita-  
rum Classes fuisse ob quamdam inter  
se Instituti Habitûsq; similitudi-  
nem ambiguâ inter plebem nuncura-  
tionibus haud satis distinctas certum  
omnino est. Alexander siquidem  
huius Nominis Quartus Pont: Max:  
S. Guilielmo Centum annis Junior XXI.  
Decembris Anno MCC LV in Papam  
Electus Easdem Quinq; Eremitarum  
Classes sive Congregationes sub suo  
quavis Generali in Tribus diversis  
Bullis expresse recenset. [a] Primam  
Classem constituit Congregatio Sabuli  
Rhodis. Alteram de Sabali Monte.  
Tertiam Eremitarum S. Augustini.  
Quartam Fratris Joannis Boni. et  
Quintam Eremitae de Brictinis. harum  
quaelibet plures et diversas domos

[a] videri possunt ha Bullae in Commentario Histor.  
de Ord. Eremit. S. Guil. Godefridi Heusinger  
in Act. N. Tom. 2. die 10 Febr.

habuit. Anno igitur MCCXXVII. Die  
 XX. Martij Gregorius IX. Pontifex reatus,  
 mox magno Animi ardore in id sedulo  
 intentus fuit, ut quotquot vitam Monas-  
 ticam aut Eremiticam sub proprio vel  
 privato Instituto proficerentur, ij om-  
 nes aliquam ex Regulis à summa sede  
 approbatis assumerent. Ex his ergo  
 Familijs Fratres Eremitas de Bric-  
 tinis, atq; B. Joannis Boni sub Eodem  
 Pontifice Gregorio IX. Regulam sancti  
 Augustini assumpsisse, atq; sub Uno  
 generali Eremitis s. Augustini unitos  
 deinceps vixisse libenter velut rem  
 certam et indubitatum admittimus,  
 utpote varijs Bullis authentice asseritam,  
 quas quidem Bullas hic per extensum  
 producere brevitate ergo omittimus,  
 facile cum libuerit, locis in calce notatis  
 perlegendas. [a] At vero haud minus  
 certum est Fratres Ordinis sancti  
 Guilielmi, assumpta sub Eodem Pontifice  
 Gregorio IX. Regulâ sancti Benedicti

[a] apud Herub. Laertium Tom. i. Bullarj.  
 Item passim in Actis s. sepe citatis.



ab Augustinianis prorsus esse discretos,  
 è quibus Altera Congregatio de Monte  
 Sabali dicta, sub Proprijs etiam Genera-  
 libus continuo deinceps meruit.

De Fratribus vero Congregationis Sabali  
 Rhodis, an etiam tum temporis sese Saba-  
 li-Montanis conformantes eandem Regu-  
 lam sint professi, an sub privatis consti-  
 tutionibus à B. Alberto norman Vite  
 S. Guilielmi sequendò porro permanserint.  
 res in aprico non est. Nos, qui opini-  
 ones quaslibet aut minus certa dudum  
 eiuravimus, malumus hac in parte iudicium  
 ex integro suspendere, quam aliquid  
 huic solijs inspergere, quod vel umbram  
 dubij, ne dicam falsitatis præferre  
 suspicarer. Nihil etiam ad præsens  
 institutum attinet, quid tum sub Papa  
 Gregorio sit actum, id solùm demonstra-  
 re hic incumbit, quod præcedentis  
 paragraphi Epigraphicum schema,  
 et præsentis Rubrica exhibet: Regu-  
 lam nimirum B. Benedicti Fratris  
 S. Guilielmi cum Ordine à Pontifice

Innocentio IV: confirmatam esse, quod  
Diplomatica auctoritate abundanter  
præstare aggredior.

Num: 4<sup>us</sup>

Diploma Pontificium  
præsertim irrefragabili Testi-  
monio confirmans hic anonymus genu-  
inè transcriptum: „Innocentius  
Episcopus servus servorum Dei  
Dilectis Filijs Priori Generali, ceterisque  
Prioribus & Fratribus Eremitis Or-  
dinis S. Guilielmi, tam presentibus  
quam futuris Regularem vitam professis  
in perpetuum. Religiosam vitam eli-  
gentibus Apostolicum convenit adesse  
præsidium, ne forte cuiuslibet temeri-  
tatis incursus eos à proposito revocet,  
aut robur, quod absit, sacra Religi-  
onis infringat. Expropter Dilecti in  
Domino Filij, Vestris iustis supplicationi-  
bus clementer annuimus, et Domos Vestras,  
in quibus Divinis vacatis officijs seu

obsequis, sub B. Petri et nostra protecti-  
 one suscipimus, et presentis scripti  
 privilegio communimus: imprimis si-  
 quidem statuentes, ut Ordo Monasti-  
 cus, qui secundum Deum et (3) B. Benedic-  
 ti Regulam atq; Institutionem Fratrum  
 Ordinis s. Guilielmi in Domibus ipsis insti-  
 tutus esse dignoscitur, perpetuis ibidem  
 temporibus inviolabiliter observetur.  
 Varijs deinde privilegijs et Immunitati-  
 bus per longiorem contextum allatis  
 pergit Pontifex in hac Verba statueret:  
 Obveniente vero Generali Priore Vestro  
 vel suorum quolibet successorum, nullus  
 ibidem quâlibet subreptionis astutiâ  
 seu violentiâ præponatur, nisi quem  
 Fratres comuni consensu, vel Fra-  
 rum maior pars Consilij sanioris  
 secundum Deum et B. Benedicti Regu-  
 lam præviderint eligendum. Datum  
 Lugdani VIII Nonas Septembris Anno  
 Pontificatus VII. Christi M C C L. [a]  
 Diploma hoc genuinum esse, et ab omni  
 supposititiâ falsitatis suspicione  
 longè remotum asserit re probe exami-  
 natâ et criticè inspectâ Jape lauda-  
 tus Henschenius loc. cit. num. 13.

[a] Henriquez in lib. Privileg. Imper. inter  
 Privileg. Guilielmi. Fascic. sexta. c. 7.  
 Pamb. Hajus Bras. in lib. Ordinis.  
 Acta s. hic n. 475.

Num: 5. <sup>Ius</sup> Scio equidem Jordanum  
de Saxonia Ordinis Eremitarum san-  
cti Augustini Provincialem legatione  
ad Pontifices et plurimis praeclare gestis  
Illustrum in Tractatu suo, quem Vita  
Patrum intitulavit [a] Laurentium item  
Emoli [b] Eremitas omnes in Tuscia et  
alibi existentes sine discrimine à Papa  
Innocentio IV. sub unam s. Augustini Re-  
gulam Pontificiō Decreto coadunatos  
affirmare, adductis etiam pro sua senten-  
tiā duābus Bullis ab Eodem Pontifice  
datis, in quarum primā omnes ad unam  
Congregationem sub Regula S. Augustini  
coactos fuisse, evincere allaborant.

At verò haud satis fideliter egerunt  
Hi Viri eorumq; sequaces, integram pa-  
rentesin ad substantiam Quaestionis  
maximè pertinentem, nescio an dolo an  
incuria? praetermittentes. Inspiciamus  
igitur ipsissima Bullae verba, et mox  
adversemus tam procul esse, ut ea  
nobis officiat, ut etiam assertum nostrum

[a] Jordan. l. i. cap. 14.

[b] In Bullario Augustiniano.

egregie admodum susulciat. Est autem  
 Bulla talis: [a] „Innocentius Episcopus  
 servus servorum Dei Dilectis filiis Uni-  
 versis Eremitis B. (exceptis Fratribus  
 S. Guilielmi) per Tusciam constitutis  
 salutem et Apostolicam Benedictionem.  
 Incumbit Nobis ex officij debito Pastoralis  
 subscriptio est ista: „Datum Laterani xvii.  
 Januarij Pontificatus Nostri Anno primo.  
 Christi MCCXLV. Fideliori proin-  
 calamo hanc Guilmitarum in Bulla  
 exceptionem tam signanter insertam  
 describit (Carissimus Wadingus [b] hinc  
 verbis: „(Exceptis Fratribus sancti  
 Guilielmi) sub Regula S. Benedicti degen-  
 tibus, quos noluit Pontifex ad illam  
 unionem reducere (ubi etiam addit  
 in Regesto Eiusdem Pontificis num: 333.  
 aperte asseri eos Tusciae Eremitas usq;  
 ad illud tempus Regulari observasse  
 B. Benedicti. Mihi, ut verum profitear,  
 ceu res omnino certa et citra omne dubium  
 firma insidet menti, iuxta ea quae num: 3.  
 praesentis s. diximus, post edictum Gregorij IX  
 Praeres Guilmitas continuo Regulae sancti  
 Benedicti sese devota erga Sacram Sedem

[a] apud Joan. Marquetz c. 3. §. 3. Item Gabriel  
 Penotus l. i. Hist. Triar. c. 18. Hervera in  
 Alphab. Augustin. Tamburin de Jure Robat. n. 38.  
 [b] Wadingus in Anologes. §. 5.

obedientiã subdidisse, et huius deinde  
ad Benedictinum institutum transgressum  
ab Innocentio IV, ubi mox Diplomaticè pro-  
batum est Authenticã Bullã à nobis probatã,  
fuisse confirmatum.

Annectimus hic porro rem scitu dig-  
nam à proposito haud alienam, quã  
Sambroon Haius pluribus enarrat [a]  
Tempore nimirum Gregorij IX. Fratres  
qui à S. Guilielmo Religiosè vivendi  
normam acceperant, et in successores  
suos sanctã propagine transtulerant,  
nudis pedibus domi, foris vero calce-  
atos incessisse, et alia multa avita  
austèritatis exempla ex vita sancti  
sui Institutoris, ceu ex absoluto vir-  
tutum Archetypo Religiosè observasse,  
quæ plurimos ab Eodem Instituto  
haud parum absterruerint. man-  
dasse proin Pontificem, ut Fratres  
à tali rigore tantisper temperarent,  
quò facilior infirmioribus pateret  
ad Religionem accessus, indulgisse  
propterea calceamentorum, atq[ue]

[a] Sambro. Haius in pref. in libr. Ord.

liberalium usum tum publice tum priva-  
tim ad morem reliquorum s. Benedicti  
Filiorum carmine haud illepidò id  
totum Idem Huius compendio cecinit:

Gregorius Novus plantas velare othurnis  
Mandat Eremiticis, permultaq; proelia  
donat:

Imperat et sancti Benedicti vivere  
norma.

Num: 6<sup>us</sup> Est autem alia, et quidem  
ad speciem multò efficacior Authoritas,  
famosæ Bullæ Alexandri IV. Pontificis  
nixæ, quæ P. P. Augustiniani Guili-  
elmitas Illustri suo Ordini asserere  
haud inani fundamento satagunt:

Alexander siquidem Papa Huius No-  
minis Quartus Gregorij IX. ex Fratre  
Nepos iam olim à Patruo omnium quinque  
Classium Eremitarum Moribus et Insti-  
tutis penitus examinandis Censor  
fuit adhibitus, ut ipse testatur in Bulla  
quæ incipit: Recordamur liquido [a]  
Hic igitur ante Pontificatum Raynaldus

[a] Bulla Alex IV data a. 1255 Pontificatus  
refertur in Actis s. Hollandi T. 2. x febr. fol. 477.

dictus Cardinalis S. Eustachij Episcopus  
 Ostiensis Anno MCCLIV. X. Calend.  
 Januarij; Innocentio IV. demortuo, ad  
 summum Pontificatum assumptus, sanctis  
 latrui insistens vestigijs, pari zelo  
 promovendi Decoris Monastici animatus,  
 animum omnibus Eremitarum Ordinibus  
 sub uno Habitu, unaq; S. Augustini  
 Regula congregandis, serio adiecit.  
 In hunc igitur finem Richardo Sancti  
 Angeli Diacono Cardinali, Eremitarum  
 S. Augustini Protectori universum  
 huius Unionis negotium comisit [a] quo  
 cooperante aut etiam incitante, in unum  
 Religionis Corpus iussu sunt convenite omnes  
 Quinq; Eremitarum Classes, quarum tres  
 iam erant Ordinis S. Augustini, duæ vero  
 Sancti Guilielmi, congregationes nimirum  
 Sabuli Rhodis et de Monte Sabali, consti-  
 tuto Eisden Lanfranco primo huius Unionis  
 Generali. Exstant duo Authentica  
 Pontificis Diplomata in hunc finem uno  
 eodemq; anno Pontificatus 2.º quorum  
 primum incipit: Licet Ecclesia Catholice  
 integritatem @ sub dato Laterani V. Idus  
 [a] Bulla Alex. data Tertio ano Pontificatus quæ  
 incipit: Inter alias sollicitudines @ Act. ff. l. c.



Aprilis cum sigillo plumbeo, quae Bulla  
 Romae in Archivo Ordinis S. Augustini  
 aservatur. Alterius Initium est:  
 Apostolicae sedis Provisio in qua Ere-  
 mitae omnes, adeoque etiam Fratres Guili-  
 elmitae uni deinceps Generali (Sanfranco)  
 sub una Regula S. Augustini obedire  
 iubentur. Tanta sunt haec et firma  
 adeo Testimonia, ut nemo ea nisi teme-  
 rarius aut omnino fanaticus negare aut  
 infringere unquam ausit. Res sane in  
 arrico est.

Num: <sup>simus</sup> **N**um: <sup>simus</sup> Si vero, quid postea con-  
 tingerit, audiamus. Disertius tantisper  
 praecipitare sententiam, quoadusq; Ere-  
 micae huius cathastrophes Epilogum per-  
 spexerimus. Haud ego dilucide magis  
 rem totam oculis obiecero, quam si brevi  
 obtutu verbis Doctissimi Henschenij  
 compendio Historiam absolvero.

**D**isplicuit Fratribus Eremitis sancti  
 Guilielmi haec Pontificia conbitutio, qua  
 ab Institutione Parentis sui S. Guilielmi,  
 et a Regula S. Benedicti a Gregorio IX  
 concessa, atq; ab Innocentio IV confirmata

Transferebantur ad Regulam S. Augustini  
 iuxta relictio proprio Generali subesse cum  
 alijs deinceps Lanfranco mox laudato.  
 Quare auxilio Protectorum, aliorumq;  
 Patrocinantium multum institerunt apud  
 Pontificem, ut quemadmodum Deceptor Eius  
 Innocentius IV ipsos in priore coniuncti-  
 one Eremitarum Tuscia inter quos  
 degebant, sibi exemerat, ita iam nunc  
 etiam Eius consensu impetrato, per-  
 mitterentur ab hac Consociatione uni-  
 versali liberi, sub Proprio Generali  
 secundum primariam suam Instituti-  
 onem in solito Habitu et Ordine  
 porro permanere. Annuit iusto  
 petitioni Pontifex Alexander datam  
 Bullam prioris respective retractatoriam.  
 Ecce iam diffractio cortice exclusum in  
 aprico nucleum. non est quod porro super-  
 addamus. Bullam tantum hanc poste-  
 riorem a prioribus Guilielmitas eximen-  
 tem pro legitima assertorum Nostrorum  
 probam huc sinceram producere necessum  
 ducimus: [A] Alexander Episcopus  
 Servus servorum Dei, Dilectis Filijs  
 Generali, et alijs Prioribus ac Fratribus

[A] Chrysost. Henriquez in Privil. Guil. n. 3.  
 Joa. Marquez c. 13. Orig. August. d. 14.  
 Gabriel Perench. l. i. Hist. Tripast. c. 96.  
 Aparius Tamburini de Jure Abbat. Disp. 24. q. 4. n. 37.  
 Hubertus Miraeus l. 2. Orig. Monast. c. 15.

Ordinis S. Guilielmi salutem et Aposto-  
 licam Benedictionem. Licet olim pro  
 unione facienda inter vos et alios Ere-  
 mitas tunc Ordinum diversorum fueri-  
 tis ad presentiam Nostram citati, quieti  
 tamen et saluti Vestrae Paternò provi-  
 dentes affectu, presentium vobis be-  
 nigne concedimus, ut sub Regula S. Bene-  
 dicti secundum Institutiones S. Guiliel-  
 mi remanere in solito Habitu liberè  
 valeatis, nullis obstantibus litteris, Gra-  
 tijs, Privilegijs à sede Apostolica in  
 contrarium impetratis vel impetrandis  
 impoſerim. Nulli ergo Datum  
 Anagninae XI Kalendas Septembris  
 Eadem hæc repetuntur etiam postea  
 à Clemente IV in quodam Diplomate  
 cui pars huius Bullæ inferitur his  
 verbis: Quomodum Alexander IV  
 volens providere quieti vobis Aposto-  
 licâ Authoritate concessit, ut sub  
 Regula B. Benedicti secundum Institu-  
 tionem B. Guilielmi possitis in Habitu  
 solito licitè remanere, non obstantibus

<sup>us</sup>  
 Num 8 Urbanus etiam huius No-  
 minis Quartus Alexandri IV medi-  
 atus in Pontificatu successor, postquam  
 initio sui Regimini intellexit, post  
 Decretum Alexandri, redditam Guili-  
 elmitis facultate sub Regula S. Bene-  
 dicti deinceps in perpetuum perseveran-  
 di, quaedam nihilominus Guilielmita-  
 rum Monasteria vi prioris illius man-  
 dati per Unionem supra memoratam  
 ab Augustinianis fuisse occupata,  
 in favorem iterum Guilielmitarum  
 pronuntiavit novam Bullam itidem a  
 pluribus Authoribus allegatam [a] qua  
 ita sonat: „Urbanus Episcopus . . . .“  
 „Generali ceterisque Prioribus et Fratri-  
 bus Ordinis S. Guilielmi salutem . . . .“  
 „Praeclara Ordinis Vestri expectant  
 „merita, ut in his, quae Animarum fruc-  
 „tum pariunt, et eundem Ordinem  
 „ab infamiae macula reddunt tutum,  
 „Apostolicam sedem vobis inveniat is

[a] Exstat haec Bulla inter Privilegia relata a  
 Chrysof. Henriquez num. 6. Item in Apolog. c. 9.  
 apud sanctos. Hajum vita c. 7. Miraeum l. 2.  
 Orig. Monast. c. 18. et integra habetur inserta  
 Actis S. huius n. 2. 6.

„propitiam et benignam. sanè petitio  
 „Vestra Nobis exhibita continebat, quod  
 „licet Vos Ordinis S. Benedicti Regulari  
 „observantia adstricti sitis, non nulli  
 „tamen ex vobis, assumptâ audaciâ, quod  
 „sub leviori pugna de Antiqui Hostis ver  
 „sutis facilius triumphabunt, humana  
 „fragilitatis seducti consilio, ad mitioris  
 „observantiam Ordinis aspirantes ad  
 „Ordinem Fratrum Eremitarum Ordi  
 „nis S. Augustini proprio motu se transfer  
 „re presumpserunt, in vestrum et Ordinis  
 „Vestri dispendium, animarum suarum  
 „periculum, et scandalum plurimorum.  
 „Quare super hoc præfata Sedis pro  
 „videntiam suppliciter implorâstis.  
 „Nos igitur Vestris supplicationibus  
 „annuentes, ne quis, postquam in Ordine  
 „Vestro votum Professionis emisit, ad  
 „præfatum ordinem, absq; prædicto se,  
 „dis licentiâ se transferre valeat, autho  
 „ritate presentium inhibemus, decerner  
 „tes irritum et inane, quidquid contra

Tenorem presentium ab aliquo contigerit  
 attentari. Datum apud Urbem-Veterem  
 x Kalend. Febr. Pontificatus Nostri Anno  
 Secundo, Christi. M CCLXIII.

Iussi sunt etiam Guilielmitæ, qui per uni-  
 onem Saxe dictam aliquando se Eremitis  
 S. Augustini adiunxerant, à Clemente IV  
 obtento viva vocis oraculo, Adrisente  
 potissimum Stephano Hungaro Episco,  
 po Cardinale Tranefino Protectore  
 Ordinis S. Guilielmi, ut ad  
 Dictum  
 Ordinem S. Guilielmi totaliter redeant,  
 et sub Regula S. Benedicti secundum  
 Institutionem B. Guilielmi remaneant in  
 habitu solito, antequam transirent ad Saxe  
 Augustini Ordinem. [a]

In Monasterio etiam nostro Corona  
 Mariae in Oberriet aservatur in hunc  
 diem Bulla Pontificia, quæ iubentur  
 Guilielmitæ sub Regula et Habitu  
 S. Benedicti remanere, imò expressè  
 prohibentur ad Ordinem Augustini-  
 -anum, quem Pontifex laxiorem pro-  
 -nuntiat, transire. [b]

[a] in Bulla Clem. IV. quæ incipit: Ea, quo Iudicio  
 vel concordia terminatus

[b] Archivum Oberrietanum Litt. J.

His igitur Documentis firmâ ad eò  
ac sacrosanctâ auctoritate susculis,  
plus satis iam adductis, liquidum omni-  
-nò et procul omni ambiguitate certum  
manet, Fratres Guilielmitas Veros  
atq; genuinos S. Benedicti filios  
semper et ubiq; fuisse et esse.

Neq; porro audiendi sunt, qui vene-  
rabiles S. Guilielmi Monachos, quasi  
generis Episcopi essent, modo huic modo  
alteri Ordini iniquiori dicendi quàm  
docendi pruritu accensere haud eru-  
-bescunt.

Num: 9<sup>nus</sup>. **P**ro Coronide hoc unum  
hic advertendum restat, haud equidem  
me latere graves Guilielmitas inter  
et Augustinianos controversias  
ad usq; Pontificis thronum delatas.  
Quòd verò easdem dudum decisas, et  
à summâ sede iam olim sedatas æque  
pernoscam; nolo antiquam et ambem  
ad lædium recoquere. non enim crab-  
-rones irritare consultum duco.

absq; Spiculis mella dare Viri prudentis est et Religiosi. Jurgia quæ vis inter viros maxime Ecclesiasticos exosa semper habeo pacis ex indole cupidissimus. Vana verborum cum fastu disceptationes ceu in vitibus epiphyllides nunquam maturescunt. Non litem sed Crisin in fronte huius Comentarij promisi; hanc exhibui quantum satis, illam ceu ad nihilum valentem mitto foras. Aliunde etiam quæ nullò fundamento nixa sunt, facile corruunt. sola Veritas perseverat imota.

Num. 10<sup>mus</sup>.  
 Cultum deniq; quod attinet, quò antiquiori ritu aliquot iam sæculis Illustris Ordo Eremitarum S. Augustini S. Guilielmum prosequitur, tantùm abest, ut eum reprehendam, aut sine causa introducendum asseram, ut plurimum hunc

adeo  
 cultis  
 m omi  
 certa  
 Veros  
 lios  
 .  
 qui  
 os quæ  
 luc no  
 li qua  
 do or  
 unum  
 equit  
 s inter  
 rias  
 labas  
 isas, et  
 s equi  
 mben  
 im orat  
 co.



ipsum ego dilaudem. faciunt enim hoc opera pretio haud poenitendo. Patres hi Venerandissimi, ob plura Monasteria ipsis à Clemente IV assignata, ubi lis illa inter utrumq; Ordinem occasione Unionis ab Innocentio IV imperata, postea retractata, exorta, sedata demum est, uti in Actis sanctorum Bollandi fusius, et pro more plurimum eruditè specialiter paragrapho exhibetur. [a]

Certum nihilominus omnino est, plurima quæ in Officijs Ordinis s. Augustini tum antiquis tum Recentioribus continentur, s. Guilielmum in stabulo Rhodis demortuum et inter sanctos relatum proors non concernere, sed pleraq; præsertim quæ in Antiquo Breviario ante annum Christi 1446 manuscripto recitabantur, de s. Guilielmo Geloniensis Monasterij Fundatore, qui temporibus Caroli Magni è Duce Aquitaniæ Monachus sanctissime vixit [b] esse intelligenda, et sequenti dein rerum confusione in Recentioribus

[a] Acta SS. in Comentario Histor. de Ord. Eremit. § 5. c. 6. Tom. 2. fol. 480.

[b] Eginus de hoc supra in hoc Coment. Cit. § 1. n. 4.

officijs Guilielmo Aquitano per sanct:  
Bernardum à schismate reducto  
perperam applicari, uti ipsemet  
indoluit Herrera Augustinianorum  
Provincialis supra laudatus, eò chrono:  
logie calculis adactus adactus, ut  
merito enuntiaret, "lectiones sacrorum"  
"officiorum vigoroso indigere examine."  
Quod ego pari ratione edixero de  
cultu et officio inter ipsos Guiliel:  
mitas hactenus unitatò.

Profectò Altare illud in Monasterio  
Oberriedtano, de quo supra §. 3. n. 3.  
aut vocandum deinceps erit Altare  
S. Bernardi cuius aliquod factum  
pictura illa exhibet, aut si porro  
Honori S. Guilielmi dicatum esse  
volumus, aliò proorsus e pigramate  
exornandum. nihil enim omnino  
S. Patris Guilielmi habet Effigies  
illa. hoc per modum appendicis  
annexisse sufficiat.

Hæc igitur sunt quæ in Historiam  
S. Patroni Guilielmi critica in da =

gine commentari placuit. paucae sunt  
 pagellae, et opusculum ad speciem  
 exiguum, haud tamen adeo pauci  
 laboris. Plus profecto lectionis  
 impendendum fuit huic Crisi, quam  
 totius Vita plana Historia exegisset.  
 Tot perlastrare volumina, examina-  
 re annorum calculos, Chronologicas  
 enodare plicas, labor fuit haud equidem  
 persudatorius, sed cuius me nunquam  
 poenitebit. ex quo enim Aureum illud  
 librum evolvi Doctissimi Nostri Patris  
 Joannis Mabillonij de Monasticis studiis  
 firmum continuo statutumq. decrevi,  
 Omnia deinceps Otia vertere in Ne-  
 gotia; unquam ne Diabolus me inveni-  
 at otiosum.

In Omnibus Glorificetur  
 Deus.